

**Disputatio medico-legalis de abortus noxia et nefanda promotione ...
MDCCXI / [György Zsigmond Liebezeit].**

Contributors

Liebezeit, György Zsigmond, 1690-1739.
Alberti, Michael, 1682-1757.
Universität Halle-Wittenberg.

Publication/Creation

Halae Magdeburgicae : Recusa Litteris Joh. Christiani Hendelii, 1730.

Persistent URL

<https://wellcomecollection.org/works/ufyue548>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



33532/B

C.XVI.8
18





Digitized by the Internet Archive
in 2019 with funding from
Wellcome Library

<https://archive.org/details/b30546163>



Greene
51

DISPUTATIO MEDICO-LEGALIS
^{DE}
ABORTUS
NOXIA
 ET
NEFANDA PROMOTIONE,

AUSPICE DEO OPTIMO MAXIMO:

IN ACADEMIA FRIDERICIANA
 RECTORE MAGNIFICENTISSIMO,
SERENISSIMO PRINCIPE AC DOMINO,

DN. PHILIPPO WILHELMO,
 PRINCIPE BORUSSIÆ, MARCHIONE BRAN-
 DENBURGICO, AC DUCATUS MAGDEB.
 VICARIO, &c.

GRATIOSÆ FACULTATIS MEDICÆ CONSENSU
 PRÆSIDE

D. MICHAEL ALBERTI,
PUBLICÆ VENTILATIONI EXHIBET
 RESPONDENS

GEORGIUS SIGISMUNDUS LIEBEZEIT,


SEMPRONIENSIS HUNGARUS.

d. Januar. A. O. R. MDCCXI.

HALÆ MAGDEBURGICÆ,
 RECUSA

Litteris JOH. CHRISTIANI HENDELII, Acad. Typogr.





PROOEMIUM.



Nter reliquos abérrantis
animi humani saltus , devia & pe-
taura in salebrosa & lubrica scien-
tiarum & artium Semita sane non
infimi census sunt *Saltus extra Choream* succedentes , quos iam suo
tempore digno aliquo proverbio

Græcus ille *Suidas* taxavit, & ut lernam veluti malorum
& errorum annotavit,tanto magis, quia hi circuitus & in-
convenientes ambages longissime a proximo veritatis
tramite seducunt & nonnisi steriles ac titubantes gressus
& processus inferunt & conciliant. Sicubi enim alias
curiositatibus facilius indulgens, humana præcipue, ratio,
non statim penetralia bonarum artium ingredi, sed per
pomeria luxuriosius & ambitiosius progredi gestit, ita
sane tot objecta, ideæ & speculationes intercurrunt, ut
deinde multoties totus animus extra Chorem, negle-
cto veritatis circulo & centro, procedat & oberrret , ut
non mirum sit , si secundum ejusdem Scriptoris elogi-
um *in cursu cadat*, aut tota sua spe frustretur, unde a via

A regia

regia deflectens per multiplicia devia ad veritatem progressiendo obambulat, ut denique audaces & temerariæ irruptiones valeant, i. e. consilia talia inquirantur & applicentur, de quibus deinde illud valet, quod *Livius* olim dixit: *Consilia calida & audacia prima specie lœta sunt, tractatu dura, eventu tristia.* Ejusmodi saltus extra Choream non modo frequenter, sed etiam eminenter occurunt in Sphæra Medica, ubi quidem undique pretiosæ vitæ confirmatio, exoptatæ sanitatis conservatio & restitutio, imo suspectarum rerum exclusio & præoccupatio urgetur & declamatur, interim tot sæpe saltus & ausus intercurrunt, qui plane extra Choream sunt, & a proposito fine penitus declinant & abludunt, adeo, ut quidem multoties intentio nullo modo culpanda existat, si modo inventio, justorum mediorum & subsidiorum applicatio & ipsa demum executio huic bonæ intentioni congrueret, quippe quæ methodi perversæ plane extra Choream sunt & communiter bono eventu destituuntur; Illud enim omnino de Medicina valet, quod *Seneca* jam elocutus est: *Quod nihil opinionis causa, sed omnia conscientiæ facienda sint*, ubi ejusmodi saltus i. e. inconvenientes speculationes & curiositates ut plurimum male cedunt, & vitæ, sanitati & integritati humanæ inevitabilem & indelebilem laborem inferunt, ut merito iterum cum *Seneca* exclamare debeamus: *Non accepimus brevem vitam, sed fecimus, nec inopes, sed prodigi sumus.* Quin desuper illud sphalma in communi vita paßim occurrat, ut salutarem finem non modo declinantibus viis aut per anfractus, sed & sinistris mediis prosequamur, & sub multo arduo conamine per pericula in pericula prolabamur, ut, sicuti alias periculosestas sequi mala

pro

pro bonis, ita tanto præsentius, certius & gravius periculum existit, bona per mala petere & inquirere ; Hinc non inauditæ sunt querelæ in Medicina, quibus sinistri plane & minime intenti fines & eventus declamantur & accusantur, ut huc quadret *Plinii diæterium* : *Habet
has vices conditio mortalium, ut aduersa ex secundis nascan-
tur* ; Inde invaluere illæ formulæ : *Man hätte so viel
Fräfftige und herkstärckende Sachen verschrieben, es
hätte aber nichts anschlagen wollen, und wäre immer
schlimmer damit worden !* Dehinc inaugurantur illæ admirationes, qui modo fieri queat, remedia pretiosa & optimæ fidei non modo nullum auxilium contulisse, sed potius contrarios effectus edidisse ? Ut deinceps culpa in debilem Naturam aut materiam noxiam & malignam plurimum conjiciatur, remedia vero & Therapia illa in antiqua sua autoritate conserventur & vindicentur, cum tamen, si circumstantiæ attentius inquirantur, hic talium remediorum usus non aliud, quam saltus extra Choremam fuerit, qui ut inconveniens, ita inutilis existit, unde de reliquo consilia Medica non festinanter, temere, audacter aut inconsiderate ferenda sunt, sed illud rectius agendum, quod prudenti monito *Demosthenes* edocuit ; *Consulendum est lente, i. e. circumspete, con-
sulta vero exsequenda sunt festinanter, attamen opportune,* ne ita temere quaquaversum lapsus & saltus tales inconditi instituantur & loco salutaris finis damna potius & multiplicia nocumenta educantur. Quemadmodum itaque inopinati ejusmodi affectus passim in cursu Medico obtingunt, ubi ex inconsiderato usu mediorum, quæ quandoque per commune suffragium utilia prædicantur, sinistri plane eventus prodeunt, ita non modo

extra Chorem saltatur, sed tota via aberratur, quando ejusmodi affectus temere & impudenter urgentur, qui non modo humanitati, sed & humanæ vitalitati contrariantur & repugnant. Ejusmodi ausus in moralibus æque atque vitalibus negotiis dupli ratione succedunt, nimirum vel per ignorantiam & negligentiam, vel per malitiam, ex quibus illa turpis non modo est, secundum Senecæ effatum, quod *turpissima jaetura sit, quæ per negligentiam fit*, sed & merito punienda, tanto magis e nostro circulo rejicienda, quo magis cum *ignorantia stipata, opiniones, conjecturas & ludicas speculationes* secundum Hippocratis monitum in *Lege pro fundamento* habet; Hæc vero ultima, nimirum malitia, non modo ex omni foro eliminanda, sed tanto justiori severitate suppri menda & respuenda est. Obveniunt ejusmodi partim antipraxes, partim malitiosa tentamina & experimenta, in diversa Medica & domestica tractatione *Fœtus in utero*, quem modo superflua & scrupulosa Medicina roborare & confirmare, communiter vero cum irritis plane auxiliis solet, ut loco confortationis legitimæ graves elevationes & debilitates producantur & in hoc passu saltus extra Chorem committatur, aut loco roborationis inconsultæ commotiones per crassam ignorantiam inducant & concitentur, quibus tenerior adhuc fœtus plane ex utero rejicitur, ut loco auxilii notorium tale nocumentum excitetur & pro excusatione hujus finis eventus dehinc Comicum illud *Terentii* allegetur: *Mulier fecit! Mirandum ne id est? Censem te posse ullam reperire mulierem, quæ careat culpa?* Et ita fœminis omnis culpa tribuatur, quæ quandoque etiam innocentes sunt, & passivæ magis considerandæ, quam activæ. Et quamvis

vis hæc abortus concitatio respectu intentionis Medici non semper directa aut deliberata appellari queat, at-tamen in consideratione adminiculorum suspectorum adhibitorum directa promotio abortus vocari potest; Quin imo occurunt præterea in communi vita non-nunquam ejusmodi directæ simpliciter nuncupandæ abortus provocationes, quæ quidem per opinionem necessariæ reputari possunt, attamen vix gravi aliquo periculo & nocimento vacant, & eo ipso etiam extra Chorem saltatur; ubi mulier a fœtu, qui retineri ulro non debet, liberanda æstimatur, sed tunc in deterius ma-lum & periculum conjicitur. *Conf. Camerarius Syllog. Memo-rab. Cent. XI. partic. 39. Casp. Rejes Camp. Elys. Qv. 51.* Tanto magis vero exsecrandum & malitiosum illud est tenta-men, quo fœus integer, legitimus, nulla labe præditus, modo circumspete tractandus, nefande exturbatur, om-nique vi ac audacia excluditur. Placuit itaque nobis im-præsentiarum ex aliis ejusmodi Schematibus, saltum ex-tra Chorem designantibus, hanc ultimam considera-tionem eligere, & peculiari aliquo specimine explica-re. Acturi propterea DE ABORTUS NOXIA ET NEFANDA PROMOTIONE, ut partim in Medicina, partim in Lege divina æque ac civili pa-tescat, quid justum aut injustum sit & occurrat in ejusmodi negotio, & quousque ignorantia exclusio & malitiæ suppressio & punitio extendenda sit atque ur-genda. Faxit Divina clementia, ut hoc negotium ad vota succedat, & usum tam in Medicina, quam reliqua vita humana, certum æque atque dignum promittat & exhibeat.

§. I.

Dum Thema nostræ Tractationis duplē sensum & scopum continet, necessarium erit, ut in limine clariss nos explicemus, quid primo per noxiam, deinde etiam nefandam Abortus promotionem denotemus & intelligamus; In primo itaque sensu declarabimus, quomodo nonnunquam, neque ita raro fœtus, in justo & legitimo matrimonio conceptus, partim *ex culpa matris* gravidae, partim *ex causa & negligentia*, vel *Medica*, vel illam *æmulante*, noxie & periculose ad *immaturam exclusionem* commoveri & promoveri queat, qui tamen prudenter & circumspecte tractatus adhuc *conservari* potuerit, & quomodo non modo respectu *consecutionum* in vitali œconomia promotio talis *noxia* evadat, sed & respectu famæ, conscientiæ & scientiæ Medicæ *suspecta*, abominabilis & eo ipso noxia existat. Ut dehinc ejusmodi inconsulta & pravatentamina practica tanto curatius evitari & tot sinistri & deleterii eventus solerter, prudenter & debite, præcaveri queant; Erit itaque prima hæc explicatio magis *Medica* i. e. *Medico* scopo proprius conducibilis. In altero sensu *directam* illam malitiosam, *inhumanam*, *crudelem* & *nefandam* fœtus exturbationem *historice*, *physice* & *Medico-Theoretice* proponemus, quomodo nimis in hoc ausu tenerior adhuc fœtus quavis vi & audacia cum intentione i. e. cum pravis iniquis, totique humanitati in hoc passu contrariantibus respectibus, usibus, remediis & regimini bus ad exclusionem præcipitetur, impellatur & urgeatur, ut & quæ *principaliores circumstantiae* in hac historia facti attendendæ sint & denique qualem usum, respectum & indicacionem hæc consideratio partim in *Medicinam*, partim etiam *Jurisprudentiam* conferat & deponat.

§. II.

Non placet jam circa *appellationem* *abortus* grammaticis aut criticis inutilibus, contemplationibus indulgere, neque

neque cum *Nono Marcello*, *Diterico*, *Barthio* aborsus & abortus differentiam recoquere & prosequi, sed simplicius per abortum *immaturam fœtus imperfeci exclusionem* denotare, qui adhuc sub corporis sui successivo incremento & formatione constitutus fuit, in quo vero præsenti nulla legitima necessitas exclusionis talis præstandæ subest; Secundum hunc sensum minus proprie septimestris aut octimestris partus, etiamsi fœtus emortuus sit, abortus appellari debet, ut quidem alias voluit *Aetius*. Neque etiam distincte, directe & proprie fœtus mortui exclusio abortus appellari potest, ut ex autoritate *Hippocratis*, *Andreas Laurentius* voluit; sed infert abortus vi vocis suæ hanc interpretationem, quando fœtus proxime *ab ortu suo*, in primis suis rudimentis nondum perfectus, & motu illo locali voluntario nondum perfecte præditus, excluditur, quo consentit *Paulus Zachias*, consentiente quantis per *Fernelio*, *Altomaro*, *Bonetto* & *Mauriceau*; Vel quando fœtus ab ortu vitalitatis suæ legitimæ per temerariam exclusionem distrahitur; Ubi contra pro meliori distinctione fœtus vel adhuc vivi post quintum mensem exclusio facta, partus præmaturus; Vel mortui exturbatio partus fœtus mortui, ad differentiam abortus nuncupari potest; Et quavis hinc inde impropriæ tales significationes apud *Alphonsum a Caranza* occurant, nullo modo vero genuinum & distinctum sensum abortus exhaustiunt; Unde rectius abortum a primo gestionalis mense usque ad & in quintum fieri assertimus, sicuti quovis mense fœtum excludi eoque abortum concitari posse afferuit *Kerkringius* in *Osteogenia fœtuum*. Reliquæ vero exclusiones ut plurimum præmaturum partum (cum abortus plane immaturum involvat) sistere affirmamus, quoniam vero ex hac multiplici crisi nullum notatu dignum acumen aut commodum exspectandum est, merito illam misam facimus.

§. III.

Potest interim adhuc in nostrum censum vocari suspe-
cta,

Ita, imo quandoque noxia *fætus mortui* promotio ad exclusiōnem, quam considerationem etiam, sed magis secundario loco, quia ad propositum nostrum proprie non pertinet, tanquam gratis allegare & connectere placet. Unde primo loco indirectam illam abortus promotionem sub spe & intentione confortandi *fætus medico* consilio & auxilio succedentem & inductam explicabimus, & in hac tractatione principaliores animadversiones & circumstantias *historicæ* & *therapeuticæ* annotabimus, documenta vero exinde emergentia significabimus, & quale ex hac tractatione commodum in Medicam scientiam & experientiam redundet, dextre edocebimus. Deinde & quidem secundo loco *fætus mortui* inopportunam, noxiā & inconvenientem prosecutionem describemus: Tertio denique nefandas plane, iniquas & malitiosas *abortus concitationes* deducemus.

§. IV.

Divinum est præceptum & irresolubile ac prævalidum privilegium: *Crescite & multiplicamini*: Quo propagatio sobolis a summo humanarum rerum arbitro benignissime inaugurata est, ut homo ab homine generetur, propagetur & sub divina benedictione & concessione gens humana multipliceatur, quæ in vasto mundi spatio inferiores creaturas regere & in usum suum legitimum justum ac licitum convertere debat, secundum illud divinum mandatum *Genes. I. v. 28. 29. & 30.* Quemadmodum vero miserrimus Protoplastorum lapsas in inveniendis, tractandis, regendis & applicandis rebus, multas inæqualitates, errores, confusiones & anomalias introduxit; Ita certe successive in hoc negotio gestandi, regendi, præmuniendi & fovendi *fætus* in utero variæ inscitiae, negligentiæ, imo malitiæ invaluere, ut loco debiti regiminis, multæ inconvenientes tractationes passim adhibeantur eoque ipso haud facile excusandum facinus committatur, dum ordo & voluntas sapientissimi Creatoris per pravas hominum inventiones & tentamina negligitur, transgressione violatur & propter ea

ea multi noxii & contrarii eventus concitantur & producuntur.

§. V.

Ex hisce perversis tentaminibus non infimum illud est, quando citra urgentem necessitatem & utilitatem tenerior in utero fœtus *remediis* ambiguis *confortantibus* & *roborantibus* urgetur & afficitur, ut loco *præmeditatæ* roborationis & refectionis sensibiles *enervationes* introducantur & propterea ad immaturam *exclusionem* fœtus ille misere promoveatur. Quamvis vero hi ausus ex aliqua *ignorantia*, sub bona quandoque *intentione* male succedant & exeant, ita tamen nullo modo hæc *inscitia* partim coram justissimo *Deo*, partim etiam coram *hominibus*, conscientiæ suæ magis prospicientibus & de hoc negotio *melius* instructis, *excusari* potest, sed tanto magis taxanda, *damnanda*, imo etiam punienda est, ut eo certius arduum hoc opus *æqualitati*, integritati & quantum fieri potest perfectioni suæ restituatur, hincque justa talis hominum *multiplicatio* & propagatio convenienter & debite succedat. Placet propterea ejusmodi *errores* ex *ignorantia*, *negligentia* & *futilitate* profluentes paulo clarius depingere & annotare.

§. VI.

Occurrunt vero in communi Medica speculatione multiplices & præter *necessitatem* formatæ *phantasiæ* de *imbecillitate* fœtus & laſta facultate *retentrice Uteri*, quæ suppositiones tanto magis ab illis finguntur, qui vel frigidæ chimæræ & opinioni de spiritibus indulgent, vel a sana ratione multum aberrantibus fœmineis terriculamentis firmius inhærent & assentiunt, ut si vel gravidæ aliis, quam graviditatem proprie concernentibus & quandoque ex personalibus circumstantiis profluentibus patheimatibus, tanto magis vero recurrentibus lipothymiis affligantur, accelerato & immaturo prognostico imbecillitas fœtus accusetur, proptereaque multiplicita interna & externa medica vel medicinam orentia tormenta & medicamenta injungantur, & ad nauseam usque

obtrudantur, ex quibus deinde sensibile illud *formationis negotium* non leviter *turbatur*, sed notorie pervertitur & sufflaminatur, unde jam prudentiores foeminae harum circumstantiarum magis peritæ longe meliori prognostico affirmare solent, quod, quo *magis* sub hoc gestationis tempore *remedia commendentur* & *exhibeantur*, eo *magis* molesta & noxia *pathemata* provocentur & *insequantur*, ipsum vero *partum difficultorem* exinde *futurum* rectissime denunciant. Eminenter vero ex ejusmodi *suscipitis* subsidiis seu instrumentis *remedia interna* spirituosa, oleosa, calida, acris, aromatica, præter *necessitatem* offerri solita, ex quibus vero præcipue emergit famosus ille Balsamus aut Aqua Embryonum primæ & secundæ destillationis; Aut mixturæ spirituosa, oleosa, aliqua que hujus furfuris, quo etiam pertinet confusa illa Aqua Vitæ Mulierum, nec non Volatilia cum vel fine oleis remixta, ipsa illa *semina calida* oleosa & ejusmodi *radices*, quales sunt Zedoariæ, Galangæ, angelicæ, contrayervæ, aliæque acres; Costus, immodestus & inconveniens Cinnamomi & reliquorum *aromatatum* usus, speciosæ illæ species aromaticæ simplices vel rosæ, Cordiales, Diacinnamomi, Diacrocus, Diamargariti calidi & frigidi, diambrae, diamoschi &c. In hunc censum etiam pertinent *Adstringentia* passim in hoc statu commendari solita, ut & crocata, camphora (sicuti ex externa *camphoræ* accessione *abortus* concitationem peculiariter obseruatione describit *Borellus*) sulphurea, myrrhata, quin imo confusa ejusmodi composita, mellita, valde dulcia, inconvenientem fermentationem cum biliofa faburra in intestinis & priinis viis concitantia, multa theriacalia, opiate, aliaque, cum quibus omnibus plurimum formationis actus pessime impeditur, confunditur & annihilatur, de quibus merito primo loco dicendum nobis fuit.

§. VII.

Sicuti hæc talia famosa remedia multoties non modo temere, sed & constanter commendari, & in gravidis ex præmatura sapientia & vigilantia adhiberi solent, ita ejusdem census

sus & dignitatis ex alio capite petita sunt consilia illa & auxilia cum quibus male judicata illa lœsio facultatis retentricis Uteri corrigenda urgetur, quæ communiter etiam *Antihystericæ* audiunt & radices & herbas nervinas aciores spirituosas subtile sulphureas & oleosas includunt, ut & semina talia & gummata, ex quibus eminet Aſa fœtida, quo referendum est anceps illud & ſæpius fallax *Castoreum*, quod æque nonnunquam medica perſuafione ac fœmellis consultatricibus plenis buccis & ſub promiſſione miraculofí adjuventi commendari & obtrudi ſolet, quo deſuper pertinente Vinum illud matricale Sennerti, Aquæ refrigerantes, Spiritus artemiſiæ, matricariæ, pulegii, ut & Effentiæ tales, Tinctoræ crocatæ, ſulphuratæ, vitriolatæ, Elixiria uterina, P. P. oleosa, Species prædictæ, inutiles & steriles Feculæ, Trochisci de myrrha, Pilulæ de Castoreo & fœtidæ, Laudanum uterinum, Adstringentia omnia, quæ ſingula ejusdem efficaciam ſunt, ut fœtus formationem magis impeditant, hanc ita dictam facultatem retentricem efficacius lœdant & certius debilitent, eo que ipſo abortum potius promoteant, quam præoccupent, cum quibus hinc inde in praxi Medica gravis error committi potest; quod in ipſo eventu ſeſe verificat.

§. VIII.

Neque hæc ſolum ut remedia incerta & plurimum noxia a nobis producuntur, ſed pertinent huc etiam externa illa adjuvamenta ſucepta, quæ adeo jam invaluere, ut non modo pro necessariis reputentur, ſed etiam ſi negligantur, pro maximo errore & flagitio declametur. Sunt vero talia partim *Unguentia* & *Linimenta*, quo etiam *Emplastræ* & *Cerata* pertinent, partim etiam *Sacculi* & *Fomenta* ex oleofis, acrioribus, ſubtilioribus & nervinis parata, quæ honoratioribus & illis quibus non eſt curta ſuppelleſ, injunguntur, ubi ne uitiam prætervidendum aut negligendum eſt illud problema historico-practicum. 1) Quod fœmellæ biſce instrumentis, utentes facilius non modo abortiant, ſed difficultorem inſimul partum experiantur, quam illæ, quæ talia non adhibuerunt; 2) Cur honoratio-

res foemelle facilius & saepius abortiant, & difficilius pariant, non æque vero inferioris fortis, aut quæ rus colere solent, foemelle, quæ tamen sub laboriosis motibus & variis perversis corporis agitationibus multam facultatem retentricem (uti dici solet) in genere consumere solent, ut exinde etiam huic facultati retentrici non leve prejudicium de necessitate quadam supervenire deberet. Unde recte dixit Lindanus: fœminæ gravidæ nunquam melius valent, quam quando nihil medicamentorum assument. Tanto magis vero taxandæ sunt perversæ illæ Fomentationes & Suffumigia, quibus immediate Uterus per loca genitalia affici solet, & ex quibus per magnam quandam fallaciam Elenchi solidum aliquod adjumentum promittitur & expectatur, quæ tamen communius sensibilem illum motum, in & circa Uterum exerceri solitum, magis alterant, ac proinde principium hujus motus ad exclusionem inconvenientis ejusmodi vaporis, simul vero etiam ipsius fœtus sensibilius provocant; Quæ vero exclusio cur in omnibus illis, quibus ejusmodi externa adhibita fuere non obtingat, differenti sensititati personali adscribendum erit.

§. IX.

Huc etiam pertinet inconsultus ille & diffusus usus Balneorum vel simplicium, vel naturalium, vel cum herbis nervinis paratorum, quæ iam passim a Foresto & Zucuto in tali statu suspecta & periculosa declarantur, & quæ, utpote in genere, parum gravidis conferant, plethoricas vero & valde spongiosas plane nihil, ita communiter perperam adhibentur, tanto magis vero, quia partes magis relaxando motum legitimum enervant, neque imbecillitatem illam suspectam meliorant, imo cum Balnea talia ad impetuosorem commotionem facilime contribuant, eo ipso etiam fœtus incremento præjudicia sunt, quin imo parum auxilii ex nervinarum specierum additamento expectandum erit, quarum subtiles substantiae in aquam receptæ illicoque confluentes vix sufficienter intimiora corporis viscera penetrant, sed nonnisi superficiem illorum attingunt, quæ si concentratores eoque subtilio-

tiliores essent, quales tamen sub æqua interfluxione non sunt, intimiora corporis paulo facilius penetrarent, unde neque balnea talia tanti usus sunt, quanti hinc inde Catachrestias & per Hyperbolæ commendari & declamari solent. Quin denique rarissime illa morbida Uteri strictrura extimescenda est, ob quam forte foetus expandi & formari commode aut convenienter non queat, ut exinde huic debite generationis negotio aliquod incommodum immineret, & deinde abortus talis de necessitate veluti quadam insequi deberet, ita rarissime Balnea talia fructuose adhibentur, neque propterea tam late & longe commendanda & injungenda veniunt.

§. X.

Paucissimis etiam Adstringentium remediorum reminiscimur, quæ pari certitudine ad abortas concitationem contribuunt, interim hinc inde pro confortando foetu immo præcavendo abortu commendari solent, sive usta, sive terrea, sive alia calcaria, immo non raro etiam mineralia & vegetabilia sensibilius constringentia, quasi per hæc foetus medianitibus secundinis utero firnius affigi queat, a quo deinceps validius contineri debeat, cum tamen hæc remedia naturam eminus ad stricturam uteri inclinantem & foetus exclusionem quandoque mitioribus motibus molientem ita instruant & disponant, ut vel motus tales strictorios in utero presentius, actius & vehementius exerceat, vel una cum adstringorio & occlusorio effectu reliquas necessarias & utiles vitales Secretiones & Excretiones cohibeat & ex hac vitalis ordinis turbatione tanto magis ad abortum concitandum acceleret, sicuti talia remedia præcipue alvi successum impedire solent, qualem constipationem ad abortum disponere & disposuisse allegat Hild. Cent. 6. Observ. 62. Ut pote cum quibus adstringentibus primam illam causam, ob quam in ejusmodi statum prolapsa est, ejicere & se se ab hoc incommodo liberare gestit; Unde merito inconfutum talem & temerarium Adstringentium usum ut suspectum depingimus; Hæc ipsa vero sicuti interno usu multoties sinistrum effectum largiuntur, ita non minus exter-

externa applicatione dubie, incerte imo communiter noxie operantur, tanto magis vero, si sub indifferenti credulitate pro confortando Utero & continendo fœtu confidentius adhibentur.

§. XI.

Quantam censuram *Opiata* aliaq; narcotica mereantur, quæ varie nonnunquam gravidis offerri solent, facile attenta experientia edocebit; Quamvis enim hæc nonnunquam sub speciosa *analepsos* induendæ commendatione florent, nihilominus hæc analepsis tam suspecta est, ut potius exinde legitimi & salutares motus & justum cæteroquin hoc fœtus formandi negotium insigniter pervertatur, dum quidem intercurrentia quædam pathemata veluti vomitus molesti, cardialgiz, capitis dolores, pathemata congestoria cito mitigantur, sed suspectæ illæ consecutiones recurrentium molimum per alia loca evacuationem urgentium ex usu talium remediorum certius verificantur, ubi ejusmodi pathemata non æque statim fœtui præjudicosa, consopiuntur quidem, sed longe deteriores effectus & successus infallibilius provocantur. Unde narcotica talia stupefactoria si non directe & proxime, tamen indirecte & in successu ad abortum disponunt. Quin imo, etiamsi abortus ex aliis causis intervenientibus nonnunquam extimescndus veniat, semel quidem motus ejusmodi fœtus exclusioni dicati per opiate retardari & consopiri possint, hi vero ex levissima alia causa tanto majori vehementia recurrent, & longe deteriores eventus inferunt. Ceterum ejusmodi narcotica a B. Ettmüller ad illas etiam causas *abortum* induentes referuntur, primario quidem ex fundamentis experientiæ, quamvis alia connexionis & theoriarum argumenta proferat.

§. XII.

Non negligendæ a nobis sunt famosæ illæ *evacuationes*, quæ sub diversa mala applicatione cum nocimento abortum promovere solent, quamvis alibi etiam notorie abortum præoccupare, si legitime commendentur. Loquimur Primo

mo de *Vene Sectione*, cum qua nonnunquam ex consilio Medico gravidis prospici solet, & quam *Fernelius*, *Rondeletius*, *Savanarola*, *Forestus*, *Frambesarius*, *Sennertus*, *Santorellus* & *Zacutus Lusitanus*, *Pauarolus*, *Gremhsius* ad præoccupandum abortum non in elegantibus aut infirmis argumentis a priori & posteriori instruēti commendant, quo etiam pertinent observationes *Sommeri* in A. N. C. Dec. 2. An. 3. obf. 104--5--6. *Raygeri* Dec. 1, An. 6. obf. 204, quibus abortus per V. S. præoccupati sistuntur, imo occurrunt ejusmodi observationes, abortus successum ex neglecta V. S. significantes, ubi vix secure ad experientiam *Stalparti van der Weil* provocari & procedere decet, qui Cent. obf. 65. reminiscitur foeminae gravidæ, cui quadragesies ac novies vena secta est sine damno. Quæ V. S. cur nonnunquam male cedat, ex mala potius ordinatione contingere asserimus, utpote cum qua nonnunquam error, in mensura, tempore, subjecto & pathematibus vix excusandus committitur, ut propterea evacuatio talis non ex oraculo *Hippocratis*, aut *Altomari* penitus e therapia Medica eliminari debeat, cum jam abunde constet, quales V. S. *Hippocrates* in gravidis damnaverit, utpote quæ largiorem sanguinis eductionem inferentes, vix in gravidis nostratibus ullum locum obtinent, sed tanto certius sinistrum eventum conciliant. Ejusmodi itaque sanguinis ventilationes, quoniam multoties inopportune etiam, sine mala intentione, sed sub spe auxilii ferendi applicantur i. e. citra respectum temporis, mensuræ, pathematum, necessitatis & ipsius subjecti, ubi indifferenti tempore, tali etiam mensura in ipsa pathematum exacerbatorum statu commendantur, ita etiam mirum nullo modo esse debet, cur quandoque male cedant; In quo quidem negotio mediæ ætatis Médici admodum circumspecti fuere in inquirendo & annotando illo tempore in quo tanto minus V. S. fœtui noxia inferri queat, de qua re agit *Zac. Luf. Medic. Princ. Hist. l. 3. hist. 12.*

§. XIII.

Gravidæ, quæ communiter alvum segniorem imo sicciorem

ciorem gerunt, passim etiam ad hanc *excretionem* incongruis
 remediis promoventur, vel *stimulantibus*, vel *flatulentias*
 concitantibus, adeo, ut modo loco debitæ evacuationis *enormes*
 alvi fluxus concitentur, quos jam suo tempore *Hippocra-*
tes ad abortum inferendum efficaces denunciavit *Sect. V. aph.*
 34. & 60. sive sponte eveniant, tanto pejus si exstimulati fue-
 rint, modo etiam *flatulentæ molestæ & suspectæ*, imo atrocia
 & noxia *colica* mala provocentur, ex quibus ipsis iterato recur-
 rentibus & vehementius insistentibus non alia nisi talis noxia
abortus promotio enasci potest, quemadmodum *Schulzius in*
A. N. C. abortum ex usu Mannæ concitatum allegavit, ex qua
 inconvenientes commotiones in primas vias introductæ, imo
 insuper noxiæ flatulentæ in intestinis conciliatæ sunt, ut post
 hac hæc foetus exclusio secuta sit, quo loco certe minus secu-
 rum est ejusmodi eventus innoxios exspectare velle, quorum
 recordantur in *A. N. C. Ledelius & Wedelius & alibi etiam*
Schenckius de gravidis ex Diarrhœa, Dysenteria & usu Draſti-
corum purgantium innoxie liberans. Interea cum in partibus
 inferioribus, tanto magis utero vicinis nulla talis stimulatio
 in gravidis locum habeat, reprehendenda omnino sunt ejus-
 modi tentamina; Quin sequuntur etiam ejusmodi temera-
 riæ evacuationem nonnunquam graves *Tenesmi*, de quibus
Hippocrates dicit *Sect. VII. aph. 27.* Si prægnanti *Tenesmus su-*
perveniat, abortire facit, id quod etiam *Lanzonius* confirmat
 in *A. N. C. Dec. 2. An. 10. Obs 143. de abortu ex Tenesmo*, quos
 tenesmos etiam in gravidis *Foreſtus* taxat; Utpote vero hæ
 inconsultæ alvi exturbationes ejusmodi censuram incident,
 ita non minus illa remedia merito rejicienda veniunt, quæ
 ad *flatulentias* concitandas, tanto magis in fœminis, hac
 molestia alias usitatius afflictis, inserviunt; Hæ enim flatu-
 lentæ *intestinorum* (non enim loquimur pro præsenti de
 illa suspecta Veterum uteri flatulentia, quam *Avicenna* acri-
 ter reformidat) quantum damnum & molestias alias infer-
 re soleant, docet accurata experientia, unde tanto gravi-
 us gravidas offendunt, ut facile istas *abortus* excipiat. Ce-
 terum

tetum infelix talis *abortus* concitatio per purgans remedium in
Hist. pract. allegatur a Zittmanno in Medic. Forens. Cent. IV. Cas.
64. cum responso Facult. Med. Lips.

§. XIV.

Prout *Gravidæ* præterea familiarissime *Plethora* existunt,
id quod vel ex ipso conspectu *turgidarum* venarum, per su-
perficiem corporis discurrentium, patescit, quo merito ac-
censenda est illa notabilis *distensio* venarum *uterinarum* sub in-
gravidatione, quæ adeo capaces reperiuntur, annotante *Graf.*
de mulier. orig. gener. dicat. ut etiam digitus mediocris in ea-
rum capacitatem immitti queat; ita non certe minimus est
error & noxius ausus, quando hæc plethora remediis supra
recensis *calidis* & volatilibus commovetur, ubi loco robora-
tionis, molestæ & suspectæ ejusmodi sanguinis turgefæctiones,
oppletiones, infarctus, imo denique febriles commotiones,
aut perfectæ tales febres acutæ, inflammatoriæ concitantur, in
quibus facillime ejusmodi fœminæ *abortiunt*, docente ut ex-
perientia, ita ex illa *Hippocrate* sec. V. apb. 30. & 55. A. N. C.
Dec. I. An. 6. & 7. Obs. 24. Hild. Cent. IV. obs. 56. Foresto l. 28. Obs.
67. in Schol. Et quamvis hæc circumstantia iterum ex obser-
vationibus practicis exceptionem aliquam admittat, qua gra-
vidæ possint allegari, quibus sub febrium invasione & decur-
su nullus *abortus* contigit, sicuti *D. D. Präsidis* cognita est
Nobilis quædam mulier, quæ *gravidæ* tertiana corripiebatur,
qua per integrum mensem laboravit, ex hac vero male tracta-
ta in acutam vehementem incidit, ex qua vero etiam sub di-
vina gratia & benedictione sine *abortus* consecutione evasit,
& post decursum trium mensium filium sanum & integrum pe-
perit; *Nihilominus* ejusmodi *infrequentioribus* eventibus
non secure aut generaliter confidendum est, sed a familiari
noxio tali exitu argumentando, prudenter & circumspicte
secundum scientiæ & conscientiæ justum dictamen versan-
dum & procedendum est; Allegarunt ejusmodi *abortus* con-
secutionem ex continua febre in tertianam transmutata *Barthol.*
Hist. Anat. Cent. 3. hist. l. & Schenkius l. 4. de gravidis.

C

§. XV.

Merito insuper atro carbone denotandæ sunt improvidæ *Februm suppressiones* & *temerariæ* ac *præmaturæ cohitiones* in gravidis, quibus optime prospici & succurri posse per ejusmodi perversam methodum perperam creditur & promittitur, sub sterili illa persuasione & fallaci *circumspectione retinendi* & *conservandi* fœtum, ex quo vero tentamine gravidæ in alia ardua *pericula* & labes *proprii* sui corporis conjiciuntur, ut dehinc Natura pro ejiciendo *peregrino* corpore, ut *suo corpori* tanto magis prospicere queat, laboriosa sit & totidem intenta; Quinimo posset quidem *nunquam* fœtus talis conservari, etiamsi gravidæ ejusmodi transitorio tali morbo correptæ fuerint, modo hæc *suspœcta* consilia & auxilia nunquam adhibita & applicata fuissent, ut in fine denique natura matris per *malam* *medicationem* in ejusmodi abortum *conjiciatur* & seducatur. Quo pertinent illi perversi affensus medici, quando fœminæ gravidæ sibi imaginantur & persuadere solent, quasi *calcuso* molestatæ & obrutæ essent, cui persuasioni temere & inconsiderate auscultari, ac remedia contra *calculum* adhibere velle, (quæ communissime diuretica sunt i.e. vias urinarias stimulantia,) idem est, ac ejusmodi subjecta ad abortum noxiū disponere & provocare; Hinc etiam talia remedia, per sensibilem stimulationem operantia, in gravidis fœminis merito a peritis Practicis condemnantur, tanto magis, quia alias veræ *nephriticæ* fœminæ gravidæ ad *abortum* inclinant, annotante *Mauriceau l. i. c. 13.* & *Panarolo Pentecoste 3. obs. 281*; Unde non mirum est, si *stimulantibus* ejusmodi remediis ultro urgeantur, quando perfectæ nephriticæ sunt, aut quando temere ejusmodi remediis offenduntur, ut tanto facilius *abortus* insequatur. Quemadmodum denique *inflammationes* internæ gravidis valde noxiæ esse solent, tanto magis si ipsum uterum offendant, quales inflammatorias & erysipelaceas invasiones jam *Hippocrates* tali sensu *fœnestas* prædicavit *Sect. V. aph. 43.* Ita si *inflammationes*, *erysipela* aut *phlegmones* insignes, quæ in *externis corporis partibus*

tibus occurunt, per malam medicationem repellantur non-nisi proximam causam & occasionem ad abortum contribuant; Unde in hisce etiam circumstantiis circumspectionem & attentionem commendamus.

§. XVI.

Hucusque multiplices causas recensuimus, & *alia media*, cum quibus noxie *abortus* concitari potest & solet, quæ sicuti teneriori adhuc fœtui vim inferunt, ita ex horum consiliorum & ausuum improvida & inconsiderata applicatione fœtus jam *vitalis*, ut communiter dicitur, i. e. motu *locali* præditus, quem communiter *animatum* appellare assolent, vita sua & præsenti integritate privari & ad præmaturam exclusiōnem promoveri potest, quas occasions etiam latius descriptis *Zac. Lusit. Medic. Princ. hist. l. 5. obs. 3. quest. 3.* Unde sufficiet paucis allegasse, quod *alia* medicamina fœtui ita dicto *vivo* quam maxime etiam præjudiciosa & *noxia* sint: Cum vero propositum nostrum non urgeat, ut in hac ultima materia describenda latius discurramus, ita hic subsistimus, neque æque mens nostra est omnes *abortus* causas ex instituto describere, sed illas potius explicandas suscepimus, quæ ex *imperitia* & *negligentia* primo loco *medica* profluere, & pañim etiam emergere solent, unde jam secundo loco descendimus ad illas principaliores *causas*, occasions & aberrationes, quæ ab ipsis *fæminis* præbentur & committuntur, non quidem semper directe & ex *intentione* pro abortu concitando, sed ex *negligentia* & minus circumspecta animi & corporis sui moderatione & regimine; Quapropter ex ejusmodi causis etiam *potiores* & *familiariores* recensitæ sufficient.

§. XVII.

Quantum vero valeant ad *immutandos* consuetos vitales motus *Animi pattemata*, valido aliquo documento contra illam mechanicam superfluam speculationem & necessitatem quotidiana experientia edocet, quippe quæ commotiones tanto certius in *gravidis* efficaces deprehenduntur, quanto frequentius ex ira, præcipue non satiata, terrore, de-

siderio immodico, curis & ærumnis multiplices abortus occurre solent, ex quibus illæ, quæ alias ad illud patheticarum commotionum exercitium sensibiliter & præcipitanter inclinant, tanto certius *abortionem* talem experiuntur, quo alias in *motibus* suis disponendis, gerendis & dirigendis valde *sensibiles* existunt; Unde sane nulla causa *præsentioris* & numerosioris efficaciam pro concitando abortu, quam hæc ipsa, occurrit, ut tanto magis in sensibilibus fœminis ejusmodi occasiones & commotiones evitandæ, præoccupandæ & interdicendæ veniant. Non infimi etiam census in hac classe sunt illæ commotiones patheticæ cum *immoderatis desideriis* succedentes, quibus fœminæ varia *absurda* comedenda silegunt, sollicitant, imo anxie ac laboriose inquirunt & exclamant; Ejusmodi stolidi *appetitus*, vix rationaliter a pravo illo & corrupto *fermento* & acido stimulante in Ventrículo deduci possunt, cum in omnibus reliquis fœminis, sub gestatione fœtus cruda diæta utensibus, familiare hoc accidens esse debeat, quod tamen eventui & quotidiane experientiae numerosissime & quam maxime contrariatur, tanto magis in magna turba plebeiarum & rusticarum gravida rum; sed quoniam illi appetitus in *illis fœminis communissime* occurre solent, quæ alias in desiderio & appetitu suo *lepidæ, delicatæ, inconstantes, aberrantes & pertinaces* esse solent, ita merito Picam talem & Malaciam pravis *desideriis* & *patheticis motibus* annumeramus, ex quibus non modo propter deglutita absurdæ, sicuti vitales functiones plurimum in genere turbantur, ita hoc sensibile negotium gestandi & vendi fœtus impeditur & confunditur, exinde etiam abortus concitatur, sed etiam quia hi appetitus ex pravis & *perversis moribus, intentionibus & pathematibus* proficiunt, tanto faciliter ejusmodi *exclusio* acceleratur, quam nihil promtius, ut modo diximus, quam animi commotiones sensibiles & tenaces concitare & procurare possunt: descripsit ejusmodi normam fœtui ex Pica illatam Riedlinus A. N. C. Dec. 3. An. 5. & 6. obs. 128.

Secundo loco allegandæ veniunt illæ graves aberrationes in regimine, quo pertinent inconsuetæ, subitaneæ & sensibiles mutationes caloris & frigoris, quas jam suis temporibus *Hippocrates*, *Messarius*, *Primerosius* & *Jonstonius* reprehenderunt, utpote quibus solennes secretiones & excretiones reliqui etiam motus vitales tanto magis in sensibilioribus subjectis insigniter turbantur, ut sub hac motuum & humorum concitatione, impulsione & retropulsione Natura ad temerarium hoc tentamen inique provocetur. Huc etiam pertinent inconvenientes gracilitatem & formositatem corporis affectantes strictræ, compressiones & ligaturæ abdominis & lumborum, quas *Mercurialis l. de M. M.* notanter recenset, non minus etiam fortes corporis commotiones per saltationes, ponderum elevationes & gestationes aut alios labores, partium immodicas distensiones inferentes; quo insuper illas internas humorum commotiones per inebriationes in dissolutis fœminis introduci solitas referimus, quas vero species singulas ex aliis ad nauseam repetere inconveniens esse reputamus. Hoc vero loco adhuc quam maxime attendendum commendamus *Plethora* rationem, utpote quæ post animi pathemata proinde non modo ad abortum subeundum disponere, sed & illum plane sub certis circumstantiis introducere solet, id quod jam ex antiquissimis annotavit *Galenus*, quando nimirum sub ejusmodi perversis & negligentioribus regiminibus aliquaque pravis tentaminibus indiscretim & inconsidere plethora hæc commovetur, ut non rarum sit, ob plenoram talem semper conservatam in una fœmina plures abortus infecutos esse & vidisse, quos tamen imposterum prudens, tempestiva & circumspecta sanguinis ventilatio præoccupavit, cuius dignissimæ & in praxi medica utilissimæ circumstantiæ jam uberrimam mentionem fecit *Magnif. D. D. Stahlius in Disp. de Abortu & Fætu mortuo*. Propterea etiam invalescere solent illi abortus habituales statu ordine & tempore recurrentes, quales recursus in prælaudata Dis-

sertatione allegantur; Hojusmodi abortus certo tempore & septimana recurrentis historiam practicam lectu dignam profert *Clauderus in A.N.C. Dec. 2. A. 7. obs. 148. conf. Panarolus in Pentecoste 1. obs 10. de Muliere quinto Mense semper abortita, V. S. ne preservata. Amatus Cent. 6. cur. 50. Mercurial. tom. 1. conf. 57. Zecchius conf 94.* Tanto faciliter vero talis plethora ad abortum promovere non modo potest, sed quod maximum est, etiam passim solet, quando alias ejusmodi foemellæ largiorum menstruum fluxum expertæ sunt, aut *artificialium sanguinis educationum administrationibus* fere hinc inde addixerunt, quæ tamen sub hoc graviditatis statu, menstruo præprimis hoc fluxu restitante, incuriosius negliguntur, nihil insuper *diæta* immutatur, sed plena & frequens conservatur, præterea etiam *sedentaria* ac otiosa vita multipliciter concurrit, ut dehinc tanto magis talis plethora colligatur, quæ deinceps præcipue in *sensibilibus* gravidis tanto citius & faciliter alterari, & sub tali *socia* matris & foetus sensibilitate noxia existere solet.

§. XIX.

Sicuti variæ ejusmodi inconsultæ *commotiones* abortum concitare & promovere solent, ita non minus ipsa nimia *Quies* & otiosa vita, (quæ communissime diurnas abdominis *compressiones* sub gravidarum desidia inferre solet) eundem procurare & producere hucusque suevit; Prout inter alios *Schenkius l. 4. obs. medic. de Gravidis, tit. abortus ex nimia quiete reminiscitur; Hæc enim sedentaria vita ut non solum ad plethora genesin facile & multum contribuit, ita præterea ad spissitudinem molestam & suspectam sanguinis conciliandam apte satisfacit, quæ deinceps progressivo vitali motui non leve offendiculum & impedimentum inferre solet, ut nonnunquam Natura pro *exoneranda* hac molesta quantitate & pro *corrígenda* insimul spissitudine ad excretionem sanguinis menstruam consentiat & contendat, insuper vero etiam foetum, tanto magis, si adhuc tenerior existat & motibus facile obediatur, excludat, tanto magis vero, quod iterum & non superficiarie notandum, sub ejusmodi otiosa & sedentaria vita abdo-*

abdomen, eo ipso vero etiam uterus moleste comprimitur, ut in hujus sufficienti *expansione* impedita & destituta Natura necessario hospitem suum propter *capacis* & congrui spatii defectum exturbare debeat. *Immoderatus* denique *motus corporis* huic quieti oppositus ad immodestas sanguinis *commotiones* sufficit, quæ vero in gravidis plethoriciis sentilibibus, excretionibus sanguinis largioribus *adsuetis*, ut plurimum noxiæ & prejudiciale sunt. Et hæ principaliores sunt causæ & occasiones, quibus ex sua parte gravidæ quandoque per negligentiam, immodestiam & imprudentiam abortum promovere possim solent. Quales potiores causas etiam alibi colligit *Crato Consil. Medicin. Consil.* 352.

§. XX.

Quemadmodum vero omnis ignorantia, negligentia & temeritas sub errorum titulo comprehenduntur, ita etiam merito sub pœna stant, qua partim *artifex* minus circumspectus & audaculus, partim etiam *fœmina* improvida & negligens affici debent, ita sane minime in rebus, *vitam* hominis concernentibus, ignorantia rationalem excusationem admittit, & quamvis Medicus hoc delictum, nimirum exturbationem fœtus, neve *velit*, neve *intendat*, sed potius bono animo ejusdem *conservationi* inhæreat & propterea non in pœnam consentire videatur, attamen vix inultus hic error auferri potest (dum ex aliqua temeritate profluit) quamvis non æque corporali pœna puniendus existat, cum præter voluntatem coiminissus fuerit, ut tali ratione justa aliqua & *conveniens* pœna, circumspectionem, attentionem, omnis experimentandi libidinis excusationem in rebus dubiis & incertis abstractionem inculcat, edoceat & conciliat, cum contra ubi nulla pœna ibi nullus *metus* occurrat; Exinde enim invaluit illud opprobrium, quod omne temerarium homicidium capitalem pœnam inferat, medicis vero concessum sit impune occidere, quod etiam h. l. valet, ubi cum incertis ejusmodi remediis & consiliis abortus promovetur, ut nihilominus talis artifex non propter intentionem, sed propter malam intentionem

tionem culpandus sit & justitiam ac pœnam mereatur. Quo certe referendus esset textus ille *JCtorum l. 38. ff. de pœnis §. 5.* *Qui abortionis aut amatorium poculum dant & si dolo non faciant, tamen, quia mali exempli res est, humiliores in metallum, honestiores in insulam amissa parte honorum relegantur;* *Quodsi vero mulier aut homo perierit, summo supplio afficiuntur.* Ubi hic textus non æque de poculo per intentionem ad abortum concitandum oblatu loquitur, sed in hac oblatione *dolum excusat*, i.e. malam illam intentionem & voluntatem; interim emphatice ad *malum exemplum* respicit, adeoque tunc demum *pœnam* dicitat; ita posset etiam hic textus in illos quadrare, qui per *ignorantiam & negligentiam si ne dolo* alia remedia offerunt, ex quibus tamen abortus sub individualibus circumstantiis oritur, ut hoc sensu etiam poculum abortionis nuncupari queat, id quod etiam dehinc eventus testatur, ubi merito exulant illæ excusationes: Ich hätte es nicht gedacht! Es war nicht also meine Meynung; sed germana & sincera veritas respondet: Versehen ist auch verspielt; unde omnis talis negligentia pœnam meretur, quamvis non corporalis secundum *JCtorum* mentem esse possit Vid. *Leg. de Rerum & Verb. signific. l. 6. Tit. 1. quæst. 2. num. 1.*

§. XXI.

Quinimo, cum artifices in tali medicatione & cum ejusmodi instrumentis *absolute certi, securi & firmi esse* haud queant, sed communiter teête *dubii & suspicaces* existant, ita si nihilominus sub tali incertitudine & titubatione ejusmodi consilia & auxilia applicant, eo ipso *consentunt* in duplēm fidem & duplex etiam *præmium*; vel si res bene cedat, in gloriā & bonam existimationem obtinendam & *sostrum* dignum acquirendum, vel si male exeat, in *vituperium & ignominiam*, quibus tamen deinceps quovis studio declinandis sedulo invigilant & prospiciunt; In ultima vero hac circumstantia tacite consentiunt in promeritam pœnam, secundum illud *JCtorum*: *Qui consentiunt in delictum, consentiunt etiam in pœnam.*

pœnam; Quod vero Medicus utrumque attendat eoque consentiat, anxia nonnunquam expectatio Sostri, aut si res male cesterit, accelerata remotio & per multos tropos distracta excusatio attestantur. Neque solum malus artifex pœnam meretur, sed ipse etiam *fæminæ* improvidæ & negligentes, quæ abortum perpeſſæ sunt, quibus quidem abortus nulla pœna est, sed quæ *proprieſ* abortum puniendæ essent, ut imposterum pravos suos mores emendent & deponant, contra vero circumspectiores & prudentiores evadant, omnes temeritates & negligentes tractationes circumſpecte evitent; ut ita tali ratione *fætus* magis vindicandus sit, qui a matre hanc violentiam sustinuit, alias æque ejusmodi *fæminæ* (ubi nullus vindex & nulla pœna est,) nullam etiam culpam agnoscent; sed imposterum & circumspectius versari, & pravas illas animi & corporis commotiones, fœtui maxime noxias, effugere & omittere discent. Quamvis vero ejusmodi *fæminæ* non æque perpetuo proæretiæ cum ejusmodi malis moribus & regiminibus abortum urgeant, attamen propterea non penitus pœnam declinant aut excidunt, sed mitiorem justitiam & lenius judicium merentur & incident; Quicquid enim per negligentiam contigit, illud *erroneum* est, omnis vero talis *error* presupponit *culpam*, omnis *culpa* meretur pœnam, aut ut *Jcti* exprimunt: *Magna negligentia culpa est*; imo etiam alias magnam negligentiam pro dolo exprimunt, quamvis aliqui eundem non pro *vero*, sed *præsumto* explicit. Denique prout nonnunquam Caudiclus judici vim faciens æque pœnam incidit & ære mulctatur, ita medicus pariter, qui negligenter aut temere Naturæ, tanquam motuum vitalium judici & gubernatori vim facit, pœna affici deberet, ut imposterum omnem immodeſtiam, negligentiam & ignorantiam, in causa alias integra bene regenda & defendenda, excutiat, aut causis & remediis dubiis non inhæreat, multo minus illa applicet, unde *consultius est*, nihil consulere, quam male aut dubie consulere.

§. XXII.

Sed placet ad scopum nostrum iterum revertere, & pro
D melio-

meliori ordine ac connexione illas malas & *sinistras judicationes* allegare, ex quibus deinde consilia talia & auxilia inconvenienter *indicantur* & incongrue etiam applicantur. Multoties enim perperam sibi persuadere solent artifices, quod *fætus* in utero multiplicibus, imo quotidianis, *lesionibus* subjaceat aut affligatur, qui modo ad sensum antiqui concensus suspectam *intemperiem* frigidam, alias etiam calidam uteri accusare sciunt, quin etiam modo nimiam laxitatem, alibi nimiam ejus strucituram inculpare norunt, quibus speculacionibus, & infrequentioribus eventibus in vita humana occurrere solitis dehinc acriter & austere inhærent, & sic inutilibus & inconvenientibus magis curis invigilant, cum sane ex centum gravidis vix una aut altera occurrat, cui talis labes aut huic alia analogia in utero vere obtingat; Unde certe peritus & rebus suis rationaliter consulens artifex ejusmodi *infrequentes effectus* in *quotidianam experientiam* transferre & secundum illum rarum eventum cum ejusmodi remediis atoniam, frigiditatem aut caliditatem respicientibus ac corrigentibus luxuriari minime debet & solet; Non enim vel Pathologo, vel Therapeutæ confert inquirere, quid forte fieri possit, sed quid in communi vita inter nostrates præcipue aut illas nationes, ubi versatur, fieri auctu soleat. Quapropter ejusmodi speculationes inconvenientes graviter communissime non solum possunt, sed tanto certius & efficacius Medicum solent seducere, ut deinceps ejusmodi indicationibus *confortandi* Uteri temere assentiat & loco debiti auxilii non nisi grave nocumentum producat & inferat. Ejusdem furfuris conceptus ille diffusus est, de *debilitate naturæ* matris in defungendo hoc gestationis officio, ex qua falsa opinione omnia pathemata nonnunquam in gravidis occurrentia debili naturæ adscribuntur, quæ tamen rectius insuetæ & aversanti Naturæ debentur, quam deinceps calidæ illis remediis roborare contendunt, sed eo ipso anomalias illas concitant & provocant.

Non ultimæ existimationis est illa lepida conjectura & opinio de *sanguine menstruo* ejusque retentione sub ingravidatione & gestatione, quasi cum illo tot *impuritates, acrimoniae, fermenta, inquinamenta, imo venena* retineantur, quæ passim *simulanten* suum noxiū effectum exerentia, vomitus, flatulentias, colica tormina, hysterica pathemata, alvi turbas & commotiones, spasmos &c. producerent, quibus deinceps remediis edulcorantibus, evacuantibus, carminatibus, antispasmodicis, sopientibus, cephalicis, nervinis, anti-epilepticis, acrioribus aut miscellaneis succurri passim & superflue solet, ut sub tanto *inconveniente* & perverso talium remediorum usu Natura matris *in ordine suo vitali* graviter *pervertatur* & confundatur, & quæ cum *directione* suorum motuum præcipue etiam occupata esse debet, in tali statu non æque sufficienter *fœtui* suo prospicere potest, sed eundem deinde præ *tædio* & fastidio impatienter *exturbat* & rejicit; Tanto ineptius vero tot confusæ uteri *obviationes* & *vapores* finguntur, & ex iisdem tot hysterica schemata & pathemata plebeja magis quam rationali medica concludendi ratione deducuntur; præterea remedia uterina, hystericae passioni vulgo dicata calida carminativa prodiga etiam manu obtruduntur, ex quibus postea commotiones in abdome & circa uterus anomalice succedentes provocantur, ut propterea Natura matris ad excutiendum fœtum urgeatur & disponatur; Huc etiam pertinent illæ præter necessitatem formatæ *speculationes* de fœtu, (ut per primos menses adhuc *tenui*, ita etiam *debili*,) quæ hunc indiscretim *confortare*, *confirmare* & *conservare* suadent, cum in eiusmodi tempore natura matris æque ac fœtus *socia* aliqua *sensibilitate* gaudeat, & diversis aliis *motibus* ac *persuasionibus* ita dicendis libere *auscultet*, ut dehinc natura matris promptius & expeditius hunc fœtum excutiat, quippe qui eiusmodi motibus ut sensibilis & tenuis adhuc facile obtemperat & ultimam hanc exclusionem subit. Tanto dignioris

animadversionis hæc est circumstantia in fœminis *sensibili-ribus & delicatiорibus*, quibus jam *semel* talis abortus obtigit, quando in proxima ingravidatione *inconvenientes* ejusmodi medicationes & instrumenta talia adhibentur, ut de novo plurimum ex iisdem *abortus* talis iterum noxie concitetur & inducatur.

§. XXIV.

Gravis hic & tanto magis culpandus *error* est, quando fœminæ, quæ iam *semel* abortum perpessæ sunt proximo imprægnationis tempore cum *ejusmodi* remediis uterinis conformantibus & acrioribus analepticis tractantur, quibus cum natura ita *impellitur*, ut denuo fœtum hucusque conservatum tanto promptioribus motibus expellat, eosdeinque impetus cum gravi *hemorrhagia* obfirmet, ut imposterum & tanto difficilius cum temperatissimis consiliis & maxima circumspectione motuum vehementiores progressiones mitigari queant, quo magis per *habitum* aliquem natura denuo conceptum fœtum impatienti aliqua audacia rejicit; Unde certe quandoque frustra & inconvenienter culpa in *Utero* aut *fœtu* inquiritur, quæ rectius *motibus* & hac *actilitate* atque *sensibilitate naturæ* innititur, ut propterea nulla debilitatio aut effectus quispiam præcipue talis, qualem descripsimus, accusari debeat, cum motus excedant, in *matre* grava provocati & temere concitati. Incidit etiam hæc perversa & diffusa opinio de *imbecillitate fœtus* multoties in illa tempora, ubi fœtus jam localibus motibus præditus deprehenditur, qui si non perpetuo *æquahiles* contusorios & volutatorios motus exercet, sed per aliquot dies magis *quietus* delitescit, statim *debilis* aut *ægrotationibus* afflictus præsumitur, unde proximum refugium ad *roborantia* remedia instituitur, quæ multoties, imo communiter frustra & cum damno adhibentur, tanto magis, quia *non necessaria* sunt, quæ noxa tanto certior & præsentior est, quo magis *sensibilis* *plethora* & ad *commotiones* subeundas facilis existit fœmina, imo quo copiosius & sub perversa methodo talia injunguntur.

§. XXV.

Hinc ab experientia medica neutiquam abludit, quod ex confusa tali & incongrua tractatione fœtus *vivus* antea, nunc emoriatur, quem ut mortuum & *adversum* deinceps sensibilis natura matris prosequitur; imo denique ut mortuum & *indignum* excludit; Quapropter prædicta consilia, instrumenta & regimina æque pro fœtu vivo *enecando* & tunc demum ad exclusionem disponendo ac pro *abortu* concitando quadrant & satisfaciunt, unde in ejusmodi circumstantia omnino etiam circumspectione uti consert, quando fœtus *motibus* illis eminenter de *vita* testantibus gaudet. Noxia vero omni modo persæpe est talis abortus concitatio, quia non modo in sensibilioribus subjectis cum magno periculo & *anomalia* succedit, sed & graves & pessimas *consecutiones* ac vitalium functionum turbas in matre, abortum perpessa, introducit, quare placet jam in ordine paucissimis potiora *phenomena* ad rem medicam pertinentia in *Historia* hujus abortus colligere & deinceps quantum sufficit per justas causas connectere, ut tanto magis perspicue patescat, quid commodi ex hac notitia in artem medicam affluat & redundet.

Octingit itaque abortus *junioribus* familiarius, ut *afflitoribus* ac *sensibilioribus* fæminis, tanto magis insigniter *plethora* & diversis suæ *plethora* *commotionibus* adsuetis, quæ insuper *largas* & expeditas menstruas evacuationes expertæ sunt; tales fæminæ communiter etiam *animi* ad resolutiones & actiones *presentioris*, *præcipitis*, *vehementis*, *immorigeri* & *pertinacis* existunt; incidit proinde usitatus *abortus* in illa *tempora*, quibus alias ejusmodi fæminæ fluxum suum *menstruum* secundum consuetum temporis decursum subire & experiri deberent, tanto magis si antea hic fluxus justum *recursus* *sui tempus* servavit, tales fæminæ, si proxime *abortus* instat, experiuntur primum in *lumbis* gravatum aliquem, ponderosum, *tensorium* ac molestum sensum, una cum animi *tædiosa*, *torpida*, *morosa* & *fastidiosa* affectione,

appetitus majori dejectione, morali etiam rerum & occasionum intercurrentium, alias quidein acceptarum & gratarum, aversione & fastidio; Mammæ, quæ antea turgidiores & sufficienti naturali densitate præditæ fuere, nunc laxiores & pendulæ deprehenduntur, ex quibus etiam Lac imperfectum successive emanat, secundum illud monitum Hippocratis Sect. V. aph. 52. & lib. Epid. 2. Sect. VI. quæ vero circumstantia in illis gravidis observanda occurrit, quæ jam vivum i.e. locali motu præditum fœtum gestarunt. Lumbi antea magis extensi, nunc constricti magis comparent; Facies, solito magis pallida & stricta conspiciatur, oculi etiam præter solitum concavi delitescunt, vires in externo habitu languent, imo conqueruntur ejusmodi fœminæ de gravitate membrorum, maxime femorum, pedum & reliquorum artuum. Si fœtus nondum vivus existit, mammæ, quæ antea successive inturgescere sueverunt, nunc iterum sub aliqua pendula laxitate extenuantur, secundum Hipp. aph. 57. Sect. V. In abdomen persentiscunt pondus molestum, quandoque ad latera volutans, quandoque oriuntur inflationes ventris incommodæ; Abdomen, quod antea in altum & antrorsum extensum fuit, nunc pendulum, laxum, flaccidum & squamosum deorsum inclinat; alternant nonnunquam ejusmodi molestiæ in abdomen cum pressionibus, palpitationibus & angustationibus; intercedunt anxieties citra notorias causas; corripit hinc inde ejusmodi fœminas borripilatio transitoria & intercursans, alternans cum phlogosi & anxietate praecordiali; Immutatus quandoque calor faciei ex pallore in roseum ruborem; somnus ut plurimum est turbulentus & inconstans, sub quo vero etiam horrida insomnia quandoque formantur. Affliguntur passim tales fœminæ capitis vertiginosis & temulentis sensationibus; fatiscit motus fœtus in utero, quando antea vivus fuit, quin imo nonnunquam ita anxie evadunt ejusmodi fœminæ, ut faciles & pronæ sint in lipothymias, dicunt: Es wäre ihnen so weidlich umb das Herz; Quædam tenesmiss intercurrentibus molestantur; si abortus ex nimia violencia oritur, convulsiones nonnunquam supervenisse

venisse Aëtius observavit, quæ vero adeo familiarius non occurunt. Quandoque obtingunt inanes *vomendi* conatus cum *nausea* & *cardialgia* stipati; Intercedunt insuper in quibusdam *palpitationes cordis*, quales circumstantiæ diversimode in gravidis antecedunt, donec tandem *sanguis* primo paululum *parcius*, successive vero *largius* & *impetuosius* ex genitalibus profluat, & sub multis *pressoriis*, *strictoriis* & *tensoriis* doloribus ipse *fœtus* exprimatur & rejiciatur, quamvis alias si *fœtus* mortuus tali ratione excluditur, primo aqua sanguine tincta *loturæ carnium* instar effluat, donec etiam in fine *sincerus* *sanguis* affatim excurrat. Quando itaque post factam conceptionem *menses* restitant, sub ejusmodi vero & prædictis circumstantiis recurrunt, non levius suspicio est subsequentis & futuri abortus, quod indicium etiam antea citatus Aëtius tanquam palmarium ita dicendum *pathognomonicum* abortus signum annotavit; Et ita non æque plenarium assensum Blegny in *Zodiaco Gallico An. 2. Mens. Jul. obs. I.* meretur, quasi *fluxus sanguinis* ex Utero tali modo succedens *innoxius* esse possit, modo non ex ejusmodi vena contingat, quæ cum *placenta* uterina cohaeret, quod quidem plane reservatum & rarissimi eventus conspicuum est postulatum, multam cæteroquin limitationem inferens & Medicum peritum nullo modo certiorans.

§. XXVII.

Ex hac pathematum Syndrome & multitudine facile apparet, quam periculose, imo noxie abortus succedat, imo etiam non aliter, quam tam *suspeclle* exeat, unde placet adhuc paucis de noxio *exitu* & *consecutionibus* periculosis ejusmodi *abortus* differere. Communissime vero inseparabilis ab abortu est magna, diuturna, impetuosa, larga, imo excedens *haemorrhagia* ad *lipothymias* usque disponens & sub multis anomalicis motibus decurrens (observatio enim est illa *Acoluthi in A. N. C. Dec. 2. An. 4. Obs. 71.* qua *abortus omni lochiorum fluxu destitutus* exprimitur & describitur, qualis in reliqua communi experientia rarissimus esse solet) sub quo fluxu circa illas rupturas & superficiales uteri *dilacerationes* successive fungo-

fungosum quoddam concrementum *tunicaceum* generatur, quod illico etiam aliquandiu remanet, ex cuius præsentia Natura semper *occasionem* suspicit hanc hæmorrhagiam denuo ac repetitis vicibus *innovandi* atque impellen-di, ut propterea sub multis inconvenientibus aliis concurrentibus motibus fœmina talis enormem sanguinis quantitatem profundat, donec tandem vel *cachecticus*, in humidioribus subjeclis *hydropicus* aut *tympaniticus*, in siccioribus vero & strictioribus *hecticus* status insequatur, aut ex *primo* tali abortu fœminæ in illum pravum statum conjiciantur, ut facta *nova* conceptione denuo *novus* abortus facile succedat, cum quo *fungosa* talis epigenesis tanto acerbioribus motibus ejicitur, & ex quo *repetito* abortu ejusmodi fœminæ denique perfecte *steriles* sunt, in *turbas* menstrui fluxus prolabuntur, & tunc demum si antea ex ejusmodi incommodis evaserunt, plenarium *cachecticum*, *hydropicum* aut *hecticum* statum incidunt ac facile sub illo pereunt, ut nullum quandoque ferme consilium medicum supersit, quo dehinc miseræ ejusmodi fœminæ restitui queant. Ex quibus omnibus abunde constat, quam *noxiæ* abortus succedat & exeat, & qualia consequentia ejusmodi fœtus exclusiones per ignorantiam & negligentiam concitatæ inferant aut concilient. Quæ noxa tanto magis verificatur, quando cum inconvenientibus medicaminibus abortus talis concitatus est.

§. XXVII.

Quomodo hæc, quæ huc usque in principalioribus circumstantiis hujus negotii dicta sunt, in *Pathologia medica* convenienter cohærent, brevissimis etiam a nobis explicandum erit. Est itaque natura matris tanto magis gravidæ, de qua præcipue loquimur, quam maxime *sensibilitis*, tanto magis quia non solum *suo* corpori in hoc extraordinario statu necessariis & *congruis* motibus prospicere debet, sed & hos suos motus ita *instruere*, ut *fœtus*, quem gestat, exinde præcipuum fructum, minime vero nocumentum aliquod capescere possit, unde sibi æquali dexteritate & convenientia ac fœtui

fœtui suo prospicere & indulgere debet, propterea etiam inquam in & cum motibus suis tanto magis sensibilis deprehenditur. Qui enim alias ex hominibus dupli arduo negotio in moralibus intentus esse debet, ille longe majori assiduitate, circumspectione, vigilantia & sensibilitate operari solet, ita perinde in tam analoga actione natura delicatus motus suos exercere solet; secundum hanc generaliorem *sensibilem* activitatem facilis est natura ad *motus* exercendos, imitandos & prosequendos, unde etiam tanto magis in sensibilibus subjectis, de quibus præcipuus nobis sermo est, *levissimum* stimulum sequi & *prosequi* solet, quippe quæ, cum in primis gestationis septimanis, imo mensibus *menstrui* sui fluxus adhuc proximus, intensius & *sensibilius* reminiscitur, adhuc *ambigit* inter *retentionem* & *excretionem* in genere, ad utramque vero admodum activa & sensibilis existit, tanto magis ad *excretionem*, quam ordinarie frequentius perficere & administrare solet & *suevit*, cum contra hæc fœtus *retentio* non æque tam *solemnis* sit & durabilis ac *menstrui* fluxus *successus*, qui in variis etiam *gravidis* a conceptionis factæ primitiis aliquandiu sine matris æque ac fœtus detrimento continuat, cuius phænomeni penitiorem mentionem faciunt *Brassavola* in *Hipp.* *Sect. V. aph. 60.* *Rodericus a Castro*, *Schenkius*, *Solenander*, *Pehlinus*, aliique, & qui sub *lactatione* in diversis fæminis iterum succedit; ad *consuetos* itaque & magis solennes motus respiciens & *concludens* natura, magis ad *excretionem* inclinat, quam *retentionem*, unde subministrato levissimo stimulo, tanto faciliter in *humorum* æque ac *partium* congruarum intensiorem & fortiorum commotionem *consentit*, & propterea ad *inferiora* magis loca motibus suis progreditur, aut proxime ad *excretiones* illico promovendas & prosequendas cooperatur & ita facile *abortum* format, qui tanto promptius succedit, quo *tenerior* adhuc est fœtus, neque adeo *firmiter* ute-ro cohæret, hinc etiam ille ipse constricto leviter utero tanto citius ab eo *avellitur*, & facta prompta avulsione, tanto expeditius denique *excluditur*.

Facillime itaque ad abortum disponunt remedia illa *ca-*
lida ad *spumescientem sanguinis commotionem* contribuen-
tia, cui ebullitioni spumea*ctoriæ* tanto promptius natura cum
progressivi & tonici motus intensione supervenit & deum
tanto expeditius viribus pro præsenti satis valide instructa,
imo cum majori activitate sensibili occupata ad excluden-
dum fœtum accelerat ; Hinc etiam omnes illæ *occasionses*
hanc commotionem Sanguinis induentes & concitantes ad
hunc eventum collineant, ex quibus palmarium locum sus-
cipiunt Animi pathemata, tanto magis vero illa, quæ cum
motibus magis ab *intra extrorsum* progrediuntur, ut sunt *I-*
racundia, immoderata *desideria*, *voluptates venereæ*, *imo et-*
iam reliquæ patheticæ commotiones, in quibus anima in
hoc negotio retinendi fœtus *confunditur*, adeoque ad *pri-*
mam suam ideam formandæ & urgendæ *evacuationis* relabi-
tur ; Siquidem alias natura matris repentina *terrore* percul-
sa tanto magis sibi in hoc periculo consulens fœtum quan-
tocyus ejecit, ut sibi dehinc propius prospicere queat. E-
jusmodi noxiæ abortus provocationes oriuntur subinde ex
inopportuna & immoda sanguinis *eductione*, cui suo cum
arbitrio & beneplacito natura libere non assentiens, tanto
facilius cum illa proxime ad evacuationem seducitur, quam
etiam multoties cum motibus suis *exturbatoriis* prosequitur,
tanto magis vero illis, cum quibus alias *consueto* more sanguini-
nem per *menstruum* fluxum rejicit ; Interim *congruæ & con-*
venienti sanguinis abundantis eductioni placidius *assentit*, ut
cum tali superflui & molesti sanguinis subtractione eadem na-
tura *sublevetur*, ne ipsamet hanc molestam abundantiam pro-
priis ausibus, motibus & inventionibus imminuere debeat ; in
ultimo conamine persæpe in implicato hoc statu *mensura* ju-
sta, ordo, tempus, necessitas & æqualitas transcendit, cum
contra, quo convenientius natura tali cum depletione suble-
vatur, eo magis huic opportuno & accepto auxilio auscultat &
in eo insimul placide acquiescit ; Quo plus vero præterea
sangui-

sanguinis subtrahitur, eo magis non modo sœtus necessario alimento *defituitur*, ut natura matris jam sua sufficienti alimonia deficiens, hospitem suum *peregrinum* dimittere & excutere debeat, ni ipsimet hujus conservatio noxia evadat, cum quod non habet sufficienter pro suo corpore, illud alteri dare neque potest, neque debet.

§. XXX.

Ex quibus itaque fluit, nihil temere in gravidis nedum negligenter aut titubanter committendum, unde etiam neque *incertis* methodis & instrumentis inhærendum, sed potius maxime *circumspecte* versandum, tanto magis vero subfida commoda & congrua ita *instruenda* esse, ne aliquo modo illam naturæ *sensibilitatem* offendere possint, aut intempestive provocare, imo prospiciendum est, ne aliæ quam naturæ *acceptæ* commotiones excitentur, neve in perversas vias natura seducantur, sed ita tanto curatius sensibilitati naturæ propiciatur; quo loco etiam differenti *personalis* sensibilitati invigilandum est, ne quidquam committatur, quod *individualibus* alicujus subjecti *moribus* contrariatur; Non enim ubique *abortus* ita reponi possunt, uti *Barthol. in hist. Anat. cent. 4. hist. 57.* recenset, sed qui semel commissus est secundum explicationem nostram, peñima *consectaria* promittit & inducit. Placet tamen adhuc in hac tractatione ultimo annexere illa *fæcili* *abortus* *indicia*, quæ nonnunquam in *causa forensi* a Magistratu inquirenda commendantur, ex quibus suspecta fæmina *abortus* criminis quantisper argui queat. Quam fallax vero judicium formari possit, quando hæc inquisitio non tempestive instituitur, explicarunt jam *Varandæus & Primerosius de affectibus mulierum*, ut & *Bohnius spec. 3. Medic forensi*. Quodsi vero tempestive hæc inquisitio successerit, *fluxus sanguinis* ex genitalibus, *apertura* & *hiatus* aliqualis interni orificii uteri, *mollities* & *relaxatio* *genitalium*, *laxitas* & *flacciditas* *abdominis*, *extenuatio* *lumborum* & *mammorum*, ut *indicia* *talia* *annotanda* erunt; Hæc vero signa non valent in tali abortu, qui breviter post *conceptionem* *successit*,

ubi citra aliquod indicium exigua tunicacea substantia cum sanguine menstruo profluit, quemadmodum Schenkius & Kerkringius abortum ovuli adhuc recenter in utero conservati allegare norunt, sicut & ipsi D. D. Præfidi ante aliquod tempus talis abortus fæminæ honestæ, quæ aliquoties antea peperit, conspiciendus oblatus est, ubi cum sanguine menstruo membranacea tunicacea substantia exclusa est, quæ non cum mola aut frusto retentæ placentæ uterinæ comparari potuit, sed quæ cavitatem aliquam sub hac tunicacea consistentia constituit, ex qua humor gelatinosus cum tenerioribus cohærentibus fibrillis effluxit quamprimum aperta fuit; Postulant itaque & præsupponunt prædicta indicia abortum *ex tertio, quarto imo quinto mense succedentem*, qualis inquisitio abortus locum proinde etiam habere solet, quando fæmina quædam lucri causa nonnunquam abortum fingit, de qua materia vid. Paul. Zach. quest. Medic. Leg. T. I. tit. 2. quest. 9. quibus ipsis in prima nostra propositione sufficienter pertractatis ad alia progrediendum nobis erit.

§. XXXI.

Placet adhuc paucis illam quæstionem *Medico-legalem* annextere & decidere, *an etiam ex fundamentis artis Medicæ & rationalis indicationis licitum sit, abortum in casu urgentis necessitatis promovere*, quæ quæstio tripartita propositione exponi potest. 1) *An etiam licitum sit ex principiis medicis abortum promovere*; 2) *si hoc licitum sit, quando & ubi conveniat*; 3) *quomodo denique promoveri debeat*; Quamvis enim nobis abunde constet dissensus *Jurorum & Medicorum* in hac materia, qui exquisite a *Paulo Zachia l. 6. tit. 1. qu. 7.* explicatur; non tamen inutile erit, alias paræneses annextere & quanta circumspectione opus sit in hoc negotio, monere & commendare. Commune est problema, si occurrat gravida, in qua ex rationis & experientiæ fundamentis vere colligi queat, quod fœtus præsens in præfenti statu mortem acceleret gravidæ, aut ubi gravida morbo aliquo sive acuto sive alio corræpta ex fœtus præsentia necessario emori debeat, aut tamen emori

emori queat, annon necessarium sit in hoc statu, ut mater per concitationem abortus salvetur (id quod sub certis circumstantiis concessit *Ammanus in Medic. Crit.*) Includunt autem ejusmodi problemata multa postulata, quæ tamen rariissimi eventus sunt aut dubiæ existentia, nimirum non quæstio esse debet, an gravida talis ex fœtus præsentia & gestatione perire aut emori possit, (quantumvis in hac consideratione omnes gravidæ huic possibilitati subjectæ sunt, imo si nudis mechanicis respectibus inhærendum sit, etiam de *necessitate* quædam physico-mechanica perire debeant, cui tamen per speculationem inventæ necessitati *eventus* ipse in vita quotidiana rigide contradicit:) Sed adhuc magis stringens occurrit quæstio: *An etiam necessario visa fungi debeat?* Quæ sane quæstio difficultissimæ, implicatæ imo dubiæ resolutionis est, non enim acuta febre correpta famina propterea vita privatur, quia *gravida* est, cum centum imo plures historiæ contrarietatem comprobent, neque etiam fœtus præsentia *secretions* & *excretionis* successum penitus aufert, qui nihilominus in febre, ubi suo corpori magis prospicere debet natura matris, continuari potest, imo tanto magis in hoc casu huic gravidæ naturæ *indulgendum* erit, si in salubritatem & corporis *sui* conservationem fœtum suum quantisper *negligit*, cum ipsamet in periculo suæ vite constituta sit & cum dexteritate ac vigilantia *sibi proximus* obligata existat, quem fœtum dehinc ut vel mortuum, vel propter hoc periculum neglegitum rite peracta febre aut *sponse* exturbabit, aut ad *ejectiōnē* quantisper admovebit, ut tunc demum medicus locum habeat dijudicandi, an sub *ejusmodi* statu & motibus naturæ *necessē* sit, talem fœtum, quem natura ut *excludendum* prosequitur ad exclusionem promovere, ubi in ultimo hoc statu paulo certius dignoscere poterit, an fœtus *retineri*, an vero *excludi* possit & debeat, cum altera illa & intempestiva suspicio admodum fallax & dubia sit, an nimirum propter fœtus præsentiam mater *gravida* necessario in mortis periculum conjiciatur.

Ex hisce sequitur, quod in rebus ita *dubiis nullo modo temerarium quidquam committere debeat Medicus*, tanto minus vero rationalis ars medica *a usum* talem admittit, cum, si etiam licitum esset, ut abortus sub ejusmodi circumstantiis promoteatur, *remedia*, quibus concitandus & procurandus esset, communissime *calida* sint & sub aliqua *æquivocatione* subsistentia, quæ sanguinem fortiter *impellunt* aut motus *sinistre* provocant, quibus *affectus* ille, in quo periculose grava pro præsenti decumbit, tanto certius *exacerbabitur*, ut propterea & mater & fœtus simul pereat, neque tempus postulat aut præceps occasio admittit in ejusmodi periculosis affectibus, ut artifex primum & quandoque satis diu fœtus exclusioni inhæreat, sub quo conamine *morbus* ille matris nihilo minus validius & *acerbius* continuabit, ut, si medicus nunc cum abortus concitatione occupatus sit, eo ipso simul *morbo* matris convenienter prospicere non queat, quia in utrisque hisce indicationibus communiter *contrarietas* occurtere solet, interea vero periculofus ille morbus *negligitur*, qui sub vehementibus illis inducis *motibus* fœtum *prosequentibus* tanto periculosius progreditur & innidulabitur, ut demum nihilominus gravida succumbere debeat. Unde ex *dubia* tali causa nonnisi dubii ejusmodi effectus emergunt; quibus concitandis nullo modo conscientiæ suæ dextre prospiciens medicus invigilare & conniti debet; Infirma enim est illa disceptatio inter *fœtum animatum & inanimatum*, secundum quam differentiam abortus provocatio in distinctis temporibus conceditur, cum enim fœtus *propter animam suam* nunquam alterari aut offendri debeat, hic vero fœtus nunquam sine *anima* existat, (nisi mortuus sit,) quæ alias in corporis subtillissima & tenerima formatione æque tantæ existimationis est, ac quando fœtum crassiori & locali motu regere inchoat, ita nunquam abortus talis concedendus est.

quam effectibus commonstrarē, quod fœtus, quamdiu in utero legitime constitutus delitescit, nunquam sine anima sit; sed illud solum brevissimis h. l. affirmamus, quod nulla *conceptio* fieri possit, nisi anima *præsens* sit, & quod anima illa *rationalis* sit, *architecta* sui corporis; rationalem enim illam animam merito vocamus, neque in illam sterilem discretionem animarum consentimus, inter vegetativam, sensitivam & rationalem; unde etiam illud Zieritzii assertum incongruum existit, quo animam quidem in prima conceptione præsentem admittit, sed non nisi vegetativam; Vindicat vero hanc præsentiam animæ rationalis in primo conceptionis tempore Zach L. ult. tit. I. num. 4. vid. etiam Zieg. in Jur. Canon. ad Lancel. Quam primum itaque anima illa humana *præsens* est, eo tempore minime fœtus offendendus est, non enim faciendum est certum malum, ut eveniat incertum bonum, adeo vero illa anima consentiente adhuc Scalig. & Themist., quando fœtus *concipitur*, unde neque illo tempore temere & sinistre tractandus aut offendendus est; Imo neque corpus humanum (quod adhuc gratis addimus) sine anima formari potest, & ubi anima non est, ibi corpus tale non nascitur, unde dignitati nostræ assertionis nihil derogat, sive *subtilioribus* motibus anima moveat & corpus ex primis rudimentis, (qui dignissimus est actus in tota humanitate occursans) formet, sive *crassioribus* localibus motibus exercendis occupata sit; Ubique enim præsto est anima, ut adeo a ratione penitus abludat illud dicterium, quod animæ præsentiam tunc demum afferit & admittit, quando corpus *formatum* est; Si enim anima *deficit*, quodnam principium *formabit* corpus, & quidem tam *proportionate*, eleganter & figuratire? Vix *necessitas* mechanica? Hæc enī si corpus formaret, unde formantur *monstra*, *nœvi materni*, mures, glires aliaque animalia in utero materno? Neque illud famosum *seminium*, quod multi per specilla, microscopia & miraculosa ac oraculosa vitra vidifle gloriantur! cum hoc *seminium* se ipsum tam eleganter & proportionate forme haud poterit; cui genesi per rudem *expansionem* suppositæ,

sitæ, nevi materni, assimilationes lineamentorum ad corpora & figuram parentum, destructiones & deformationes certorum artuum in fœtu passim oceurrentes, aliæque monstrosæ epigeneses valide contrariantur.

§. XXXIV.

Eliminarunt jam ex conscientiosa arte medica talem temerarium ausum Hipp. in *Jurejur.* & Galenus de *simpl. medic. fac.* Quin imo rejicit alias ejusmodi incertum & audacem actum bona conscientia, & ipsa insuper rationalis experientia contradicit *Celsi assertio*, quo melius factum esse judicat *anceps experiri remedium, quam nullum*, cui sana ratio imo sana peritia medica contrariatur, nunquam enim ars rationalis medica temerariis & dubiis ausibus inquinanda est. Paulo alterius vero nervi est altera quæstio: *An plane non ab horus successio promovenda sit*, i.e. an licitum sit, quando fœtus servari non potest, & natura cum motibus suis *retentioni* fœtus se se *opposuit*, imo jam remotioribus attamen pertinacibus conaminibus eundem prosequitur, insuper etiam tales motus instituit proximam fœtus exclusionem concernentes, si præterea rationalia indicia supersunt propter prægressum aliquod animi pathema aut violentiam, aliamque efficacem causam jam aliqualem fœtus divulsionem ab utero factam esse, an cum conveniat *naturam* sublevare & excretionem hujus fœtus *promovere*? In cujus questionis resolutione affirmativam tuemur, modo antea prudenter omnes hæ circumstantiæ dijudicentur, an jam fœtus ab utero *divulsus* sit & retineri non queat, cujus rei *inopinato* eveniens largus fluxus sanguinis ex utero, & concurrentes sensibiles & pertinaces motus *tensorii* & *strictorii* testimonium quoddam ut plurimum non fallax præbent. In tali itaque statu & conditione ex medici parte esse censemus, ut *naturam* matris, quantum fieri potest, prudenter & circumspece in hac exclusione *sublevet*, regat, disponat, eique moderetur, ne ipsa excessivis motibus actum talem prosequatur; Quæ decisiō insuper prudenti medico *tempus* justum indicabit, quando nimirum

mirum convenient exclusionem ejusmodi fœtus promovere. Alias vero temere & in rebus dubiis nunquam abortus concitandus est, quo loco placet pro consensu aliquo allegare verba Alberici Gentilis: *An hic malum certum probes, ipsam necem fœtus propter bonum incertum?* *Quæ nuptura Domitiano erat, dum conceptum a se abigit, mortua; Malum certum admittes, ut vites incertum, nam incertum est semper, si morietur, non ita curata.* v. pl. Dannbauer. in Theol. Consc. T. III. Disp. 12. §. 15.

§. XXXV.

*Quomodo vero denique hic abortus facilitandus sit, non placet latius explicare, quia hic labor propositum nostrum transcendit; displicet vero illa temere exercenda methodus (quamvis convenienti tempore adhibita utilis etiam existat) quam proponunt Guilemau, van Solingen & Mauriceau, utpote qui in quovis cruento Uteri profluvio in gravidis extractionem fœtus ex utero commendant; Interim brevissimis, attamen dignissimis commendationibus methodum a Magnif. D. D. Stablio in prædict. diss. propositam feligimus, ut & maxime securam & efficaciter adhibendam commendamus, & ita etiam adhibitam vidimus, quinimo ipse D. D. Præses aliquoties expertus est; Quodsi vero illa extrema *necessitas* urgeat, ubi fœtus cum suis secundinis jam avulsus diutius in utero *restitat*, imo difficulter exprimitur, graves interim *hæmorrhagiae* succedunt, adeo, ut fæmina in mortis discrimine versetur, præstat tunc *obstetricante* auxilio succurrere, & quantum fieri potest, si reliquæ circumstantiæ permittant, modeste fœtum *extrahere*; cuius extractionis prædicti Autores Chirurgici medici mentionem fecerunt, de quo auxilio ejusque rationali usu egit Bohnius diss. de abort. salut. Omnia vero *pellentia* remedia hoc in passu *suspcta*, imo plurimum *noxia* comprehenduntur.*

§. XXXVI.

Ne vero labor noster ultra metam excrescat, properandum nobis erit ad alteram Thematis nostri propositionem, nimirum ad considerationem *Nefandæ Promotionis abortus*, quæ a sceleratis & malitiosis hominibus committi solet, utpote quæ homicidiij species non modo Juri Naturæ, sed & reliquis legibus divi-

nis ac profanis quam maxime repugnat, quo tentamine omni crudelitate, fœtus, qui conservari potuisset, omni violentia affligitur & exturbatur, de quo crimine recte loquitur *Tertullianus*: *Utero conceptum dum adhuc sanguis in homine delibatur, dissolvere non licet, homicidii festinatio est prohibere nasci, nec refert, natam quis eripiat animam aut nascentem disturbet, homo est, qui futurus est.* Profligatur vero fœtus cum ejusmodi malitiosis & exseccrandis ausibus & instrumentis, præcipue illo tempore, quo adhuc tenerior existit, neque adeo firmiter utero cohæret, insimul etiam natura matris facilius ad exclusionem, quam retentionem ejusdem inclinat; in hunc iniquum & scelestum finem adhibentur talia remedia, quæ vel in genere massam sanguinis vehementius commovent, naturam ad hanc expulsionem acriter concitant, aut partes genitales sensibilius afficiunt; ut propterea in iisdem vehementes ejusmodi motus constrictorii administrentur, sub quibus divulsio fœtus facillime ab utero contingit, ut denique ipsa talis exclusio impetuose insequatur; Exstimalatur itaque natura duplii præcipue commotione, vel interna, vel externa, ex qua utraque malitiose adhibita tanto præsentius & vehementius hæc exclusio inducitur. Quadrant huc omnia superius tacta adminicula, ex quibus repetita & larga sanguinis subtractio, partium inferiorum exstimalatio, uteri temeraria compressio & concussio, motus immodesti corporis, voluntariæ quandoque abdominis concussions, aliæque violentiæ, ut & denique vehementes commotiones emeticæ & cathartice, quæ non infimum locum suscipiunt.

§. XXXVII.

Ut multiplicia hæc sunt subsidia, quibus nefandè abortus concitari solet, ita etiam multoties alternativam adhibita occurruunt, ut tanto certius effectus ille malitiose intentus insequatur, ex quibus vero instrumentis quodlibet hujus capacitatis est, ut abortum inducat, qualia adminicula ex veteribus latiori catalogo describuntur ab *Avicenna* & *Aetio*, quo adhuc pertinet famosus ille *Gallorum Pulvis successionis*. Quando vero fœtus jam vitali, locali scilicet illo motu prædictus est, tanto magis deinde hæc tentamina multiplicato usu inique adhibentur, ut antea fœtus ille vita sua privetur & ita occisus demum expellatur,

tur, ubi nonnunquam malitiosum hoc negotium paulo tardius succedit; Quo s^epius hoc crimen committitur, eo certius denique sterilitas insequitur, ubi tanto magis hujus conceptionis & gestationis natura matris fastidiosa & deses totum hoc negotium respuit & consensum suum in hoc officium denegat & aufert, dum ad hunc *rejectionis* actum temere repetito coacta, insuper vero hoc suo fructu ac fine destituta est, unde propter *frustrationem* talem plane rationaliter ab hoc conceptionis actu abstrahit & dissentit. Conisciuntur vero multoties ejusmodi destabilia monstra hominum & execrandæ fæminæ ex ejusmodi violento abortu per divinam justissimam vindictam in gravia *paithemata*, quæ tam atrocia & pertinacia sunt, ut multoties omnem humanam opem respuant, qualia latius describere temporis ratio nunc non permittit. Quin alias fæminæ honestæ vitalitati suæ justius consultantes exprimunt, testante *Hæfero in Herc. Med.* se malle decies parere, quam semel abortire, propter pravas *consecutiones*, quarum jam antea mentionem fecimus; Et ita non mirum est, si ex tali nefanda & violenta abortus concione reliqui *motus vitales* in ejusmodi iniqua matre sub sensibili tali æclu turbati in pessimam *anomaliam* prolabantur, ut proterea tales fæminæ adultam & seram ætatem vix facile & vix frequenter attingant, sed eo ipso sibi metipis mortem accelerent, unde non modo fætui suo noxiæ & inimicæ existunt, sed & suam vitalitatem confundunt, enervant, & *duplicis* homicidii, unius facti, alterius futuri reæ æstimandæ sunt, de quibus illud valet: *Necis artifices arte perire sua*, quo alludit *Ovidius l. 2. am. Ecl. 3.* Hæc neque in Armeniis usque quæ necet ipsa perit. Tanto magis vero quemlibet talem abortum pro homicidio agnoscimus, quia *humanitas* non ex corporis æstimatione, sed ex *anima* dignitate & præsentia petenda est, quæ anima in fœtu scilicet, optimo suo præsenti fine frastatur & a dignissimo naturali *formandi* sui corporis actu *disturbatur*, ut denique hoc *commercio* cum corpore se *abdicare* & æque ac in alio homicidio subiectum suum, quantumcunque etiam fit, corpus deferere debeat; id quod in talibus circumstantiis non contigisset, si non ejusmodi inhumana & crudelia *tentamina* adhibita fuissent.

§. XXXVIII.

Hisce præmissis facile liquet, quod malitiosa talis *fetus* exturbatio *homicidii* crimen existat, quamvis hoc nonnunquam *J.Cti* excusare & limitare velint, cum illa superius tradita distinctione inter fœtum *animatum* & *inanimatum*, adeoque commissum ante medium gestationis tempus abortum sive ab actionem partus *homicidium* appellare recusant, infirmæ huic discretioni inhærentes, quod fœtus nondum *animatus* fuerit, quem lepida quorundam physicorum & medicorum persuasio sub multa disceptatione *quadragesimo* post conceptionem die, alii *quinquagesimo*, *septuagesimo*, *centesimo* anni mari afferit, licet aliqui ejusmodi dubiis litigiis non assentientes *medium* gestationis tempus pro illo termino agnoscant, quo fœtus *animari* soleat, cui *animationi* ita dicendæ vitalitatem arctius jungunt & autumant, fœtum *inanimatum* tali sensu, etiam non vivum & non aliter, nisi corpus simpliciter *physicum* considerandum esse; sed valet hic, quod *Ammannus in Medic. Crit. cas. I. Diff. I.* dixit, *Fœtum vitalem non esse, non denotat omnimodam vitæ privationem;* Explicamus hoc dicterium ad nostrum sensum, fœtum *ita* vitalem non esse, prout in *medio* gestationis tempore est, non denotat omnimodam vitæ privationem, sed primus actus vitalis consistit in prima delineatione & formatione corporis, ex qua vera *vita* rudimenta sua capessit, quibus innititur, & sine quibus esse non potest. Indulserunt vero ejusmodi differentiæ illi *J.Cti* Pandectarum congestores, qui eo tempore stoicis principiis & dogmatibus addicti & imbuti fuerunt, sicut *Merillus* & *Freherus* edocent; crediderunt vero stoici fœtum *primo* tempore nondum anima *præditum* esse, sed tantum *viscus* sive partem adhuc matris existere vid. *Plutarch. de Plac. Philos. l.s.c 15.* quo consentiunt *Ulpianus* & *Papinianus*; Secundum hanc opinionem leges, abortus causam concernentes, *matris mortem* præcipue urgere solent, quæ abortionis poculum secuta est, & quod *ante* fœtus *animationem* commissus abortus *capitali* pœna puniri non debeat, in quam explicationem etiam consentit *Corasius*. Quamvis ceterum hæc distinctio in *Jure Justiniano*, nimirum inter *animatum* & *inanimatum* fœtum, non occurrere dicatur.

§. XXXIX.

Affirmamus vero in antecedentibus, quod fœtus *nunquam sine anima* sit, imo quod *corpus sine anima formari* nequeat; si itaque *homicidium* a potiori denotandum venit, ex corporis *animati* offensione & maxima læsione, ita merito *abortum* talem malitiose concitatum *homicidium* appellamus, quamvis ex dubiis exceptionibus nulla firma decisio & consensio in easdem formari

mati queat, ubi nimurum per modum inconvenientis questionis hæc ignorantia e-
lenchi loco limitationis perperam committitur & proponitur, qua abortum talis ab
homicidii significatione quidam liberare & vindicare contendunt, an pro certo
affirmari queat, nondum antea fetum principio suo vitali privatim fuisse, ut
hæc animæ offensio non ex aborta conciliato deduci debeat? Imo insuper, an, si
abortus non insecurus esset, fetus ad suam perfectionem venisset? Quippe quo
questiones & dubitationes nihil plane demonstrant aut evincunt, ne dum rationa-
liter probant aut limitant; Unde neque responsionem aliquam exdem merentur;
Ex rebus etiam dubiis nulla sicut demonstratio. Argumentamus potius a potio-
ri, quia communissime ad perfectionem suam pervenit, neque hac occasione ra-
tionalis presumptio superest, cur non hoc tempore ad perfectionem suam pervenire
potuisset, imo etiam debuisset, nisi tale crimen commissum fuisset; ita ex hac de-
monstracione paulo firmiter profuit conclusio; Hæc enim dubitatio, si rem de-
cidere posset eodem jure extendi etiam posset ad omnes abortus, quæ extensio mul-
tis iniquitatibus exposita esset.

§. XL.

Stante itaque hoc asserto, quod talis *abortus homicidium* sit, quo etiam *Fie-*
nus consentit, sed desuper sinistre per indirectum & entyhematice concludit; quia
non *omne homicidium puniri* debet; Ergo neque hoc; Cum homicidium mali-
tiosum, voluntarium & cum dolo commissum ubique gravem pœnam mereatur,
quale etiam hoc homicidium in abortu de quo loquimur, commissio existit, ita &
hoc crimen non levem pœnam indicat & postulat. In qua quidem pœna dicta-
tione *Jcti* ambigunt & in causis criminalibus dubiis sententiam mitiorem præ ri-
gidiori feligendam esse assertunt, qualem dubiam causam accusare solent in abor-
tu ante animationem fetus commisso, proptereaque passim inhærere solent hūc
infirmæ differentiae inter animatum & inanimatum fætum; Posset propterea Lex
hoc nostro fundamento innitens, quod nimurum fœtus *nunquam sine anima* sit,
optimo jure pœnam etiam *rigidior* constituere, tanto magis, quia differentia
inter *magnum* aut *parvum* hominem humanitatis *essentiæ* nihil derogat, sive par-
vus sive magnus homo occidatur, ubique *homicidium* est. Illa unica adhuc oc-
currit *circumstantia*, ob quam pœna *mitigari* possit, nimurum quia fœtus ante
medium gestationis tempus nondum *perfectus* est homo, quia *corpus* nondum
absolutum & *perfectum* est; Sed potest etiam hanc considerationem adhuc im-
plicatam reddere illa instantia, quod *humanitatis* estimatio non ex *corpore* hu-
mano, sed ex *anima* humana proficit, unde quia in abortu tali *anima* præci-
pue offenditur, iterum *rigidior* pœna prævalet; Præterea si *abortus post me-*
dium gestationis tempus commissus, ubi fœtus vitalis deprehendi dicitur, *capitali*
pœnam indicat, sequitur, quod pœna etiam *acerbior* locum habeat, tali
tempore, ubi *corpus* fœtus nondum quoad singulas partes *perfectum* est, quan-
tuvis in medio gestationis tempore & statim post illud *corpus* fœtus nondum
absolutum deprehenditur, ex quo colligi potest, si pœna *capitalis* locum obtinet
eo tempore, ubi fœtus *anima* quidem prædictus est, sed *corpore* nondum *perfe-*
ctus, admitti etiam potest illo tempore, ubi fœtus sese cum *crassioribus* agitatio-
nibus & corporis motibus exercere nondum salet, quoniam illo etiam tempore a-

nima quidem præditus, sed *corpo* nondum *perfectus* est. Et cur denique monstra ex iniustissimo congressu masculi brutini cum fæmina humana provenientia, & quandoque corpus humanum quoad structuram & figuram referentia, abjiciuntur, immo ad Rogum & aquæ demersionem condemnantur, ubi tamen corpus humanum adest; Ex eo colligimus, quod dignitas *hominis* non ex *corpo*, sed ex *anima* profluat.

§. XLI.

Sed ne in aliud forum descendamus merito *Jctis* pœnæ mitigationem relinquimus, quo facit ille textus e *Jure Carolino* desumptus *Conſt. Crim. Artic.* 133. "So jemand einem Weibsbild durch Bezwang, Essen oder Trincken ein lebendig Kind abtreibt, wer auch einen Mann oder Weibsbild unfruchtbar macht, so solches Ubel fürsätzlicher oder boshaftiger Weise geschiehet, soll der Mann mit dem Schwert als ein Todesläger, und die Frau, so sie es auch ihr selbst thäte, ertränket oder sonst zum Tode gestrafft werden (ubi nostris moribus communiter pœna gladii dictitari solet) So aber ein Kind, das noch nicht lebendig wäre, von einem Weibsbild getrieben wird, sollen die Urtheiler der Straff halben bey denen Rechtsverständigen oder sonst, wie zu Ende dieser Ordnuung gemeldet, raths pflegen. Interea hodie in crimine illo commissi abortus pœna capitalis non aliter obtinet nisi partus vitalis præsumatur. *Vid. Carpov. Prax. Crim. part. I. quæſt. II. u. 2. & seq.* Alias quidem allegari solet in foro juridico, adesse debere certitudinem corporis delicti, jam vero ne quidem ipsi matris constare posse de vitalitate partus, nisi post dimidium gestationis tempus, quæ vero exceptio iterum innititur implicata & infirma distinctione inter animatum & inanimatum fœtum. Alias pœna fustigationis esse solet: Mitior vero olim pœna fuit temporale exilium, quod contrinat textus leg. 4. ff. de extraord. crimi. *Divus Severus & Antoninus rescriperunt, eam, quæ data opera partum abegit a Präside in temporale exilium notandam, indignum enim videri potest, impune tam maritum liberis fraudasse, & l. 8. ff. ad leg. Corn. de Sicc. & Venef. si, mulierem visceribus suis vim intulisse, quo partum abigeret, constiterit, eam in exilium Präses provinciae exiget.* Producitur quidem paſsim in patrocinium mitigandæ pœnæ in prædicto statu textus *Exod. 21. v. 22.* qui vero locus de tali malitiosa, voluntaria & per directam intentionem provocata abortus promotione minime agit, unde huc etiam non quadrat; Ex quibus omnibus facile liquet, quam parum solidæ excusationis superfit in tali delicto; de cuius atrocitate & militia vid. *Joh. Ang. Bossium de eff. contra matrim. c. 9. §. 4.* Quibus ipsis vero non ulterius insistimus, sed dum, ut confidimus quoad principaliora secundum propositum officio nostro defuncti simus, hic subsistimus; DEUM vero Optimum Maximum humillime veneramus pro præstata sua gratia in materiæ hujus dignæ explicatione; Quem etiam supplices precamur, velit imposterum ceptis nostris ita benedicere, ut in rem medicam ubique commodum & usum certum ac sincerum conferant & deponant.

